

周
易
述
翼

六經胥由聖人手定足爲萬世典型而易之爲義尤致廣大而盡精微非他經所可比擬溯自左氏記筮占漢儒言象數厥後京焦寓於祿祥陳邵窮乎造化王弼以老莊演之胡程以儒理闡之李光楊萬里輩復以史事參證之於是易說愈繁易道愈紛紜而不可測孔子五十學易猶謂假我數年可無大過虞仲翔云易自漢初以來海內讀者解之率少此易學所以難也賁禺黃厚菴孝廉邃於易理讀書有識綜核諸家論說擷其菁華芟其蕪雜簡練以爲揣摩者數十年殊有心得嘗著周易述翼一書蓋推本十翼之義而發明之詮解精詳詞旨宏暢一時讀者風景雲

從莫不奉爲圭臬其有裨於易學豈淺鮮哉是書舊曾棐
於墨江兵燹以來版已毀失予於坊間購得原稿一冊適
有叢書之刻因亟以付梓庶後學得此有所指歸且使作
者苦心不致湮沒至其持論精卓體例簡括張序及自序
言之已詳不復贅云山陰宋澤元瀛士甫序

余嘗謂周易一書若非孔子所述後儒各以私臆測之不獨六十四卦之義紛然卽六十四卦之名亦迄無一定三連者何止爲乾六斷者何止爲坤是故言易者必遵十翼猶言詩書者之遵序言三傳者之遵春秋夫人而知之矣顧人知之而不能爲之者此無他好事新奇信古不篤之故也吾友黃厚菴孝廉譚思經術博覽羣書尤邃於易著述翼一編貫穿經史上下古今而一以孔子之言爲主所謂以經解經者也其論四德謂非元不亨無貞不利而亨貞利皆統於元其論用九用六謂凡三百八十四爻遇陽爻變者皆以見羣龍之義推之遇陰爻變者皆以利永貞

之義推之不專爲乾坤二卦言此皆獨據心得而不悖於
儒先者至謂立象見意意在象中象本自然非由附會持
論尤爲精卓彼舍象而言易者固非穿鑿而言象者亦非
學者由是說而精摯之因以通夫馬鄭荀虞之義亦合其
庶幾乎道光二十有二年歲在元默攝提格涂月愚弟張
杓拜序

易經伏羲文王周公孔子四聖人之手而成漢以來言易者數百家後儒實難贊一辭自程子主理邵子主數朱子因而兼用之至

國朝

御纂周易折中辨諸家之得失採衆說之異同去其煩蕪存其奧妙於潔靜精微之蘊殆渾合無間番邑厚菴黃先生揣摩易理數十年矣博取古來精於易者倣折中而發明之簡約之彙成周易一冊名曰述翼蓋推本孔子之意而述之者也嘗以是課生徒生徒受而讀者取其深入顯出足以羽翼聖經有功於理學不淺如是者有年丙申歲連主

講始興文明書院三載諸生鈔錄憚煩商不如傳諸剞劂
一勞永逸時黃子漢卿魏子小山研經士也集院中肄業
諸君子暨邑內樂善鄉先生共成美舉是役也潤周亦廁
其列焉今幸告厥成功俾海內名士家塾各有其書於漢
宋諸子無不兼綜條貫則是書固集羣儒之大成而得附
微言於四聖人之後也豈不懿哉墨江後學羅潤周拜序

易自伏羲畫卦文王作彖周公作爻孔子作十翼書俱單行今

御纂折中書是也自王輔嗣出以文王傳附乾坤上彖傳下彖傳附於彖上象傳下象傳附於爻凡文言曰彖曰象曰皆輔嗣所加也以其便於初學故因之今書坊所刻諸易本是也夫以其便初學言則讀易者不知乾元亨利貞所由來卽講易者必另究乾元亨利貞所由起難矣故爲之先序卦傳以編其次說卦傳以廣其象首上經次下經文言傳以通乾坤之祕上彖傳下彖傳以探六十四卦之微繼上象下象以盡三百八十四爻之蘊然後上繫辭下繫辭

以會其通雜卦傳以撰其德愚嘗謂世無孔子則周公所作潛龍勿用者謂何文王所作元亨利貞者謂何伏羲所作乾兌離震巽坎艮坤六十四卦者謂何皆茫乎不知其津涯矣自孔子出然後天之道民之故聖人之德王道之隆貫上下括古今綜成敗得失而憂世憂民之心未已也自時厥後漢儒說易近於天宋儒說易近於人而本義之作推本文王之意歸本於筮蓍斯則從源達流天人之理備矣愚之述翼也推本孔子憂世之意以釋文王周公吉凶與民同患之情不敢以己意增之懼其義之已明也不敢以己意損之懼其義必如是而後明也不敢以己意讀

之懼其義之必連而後出也不敢以己意解之懼其義之必反覆而後出也孔子之作易傳也有辭同而意異者有意同而辭異者有連而及之者有連而不及之者有卽象爻而伸言之者有補象爻所未備者有連累牘詳而言之者有單辭隻字而言之者總之聖心淵微具有分寸愚爲述之屬目警心庶藉以寡過耳孔子曰假年學易可以無大過朱子曰學易則明乎吉凶消長之理進退存亡之道故可以無大過予聞之耒廬師曰必也其知懼乎繫辭曰內外知懼又曰懼以終始其要无咎旨哉斯言乎竊心儀之與共學凜之庶乎由孔子之翼傳而得伏羲文王周公

之意斯由流而及源也道光二十二年歲在壬寅七月丁未朔旦番禺黃應麒厚菴記

周易次序目錄

序卦傳

說卦傳

上經

文言傳附乾坤上象下象上象下象附六十四卦

下經

繫辭傳

雜卦傳

周易述翼卷一

賁禹黃應麒學

山陰宋澤元校刊

序卦傳

有天地然後萬物生焉。盈天地之間者唯萬物。故受之以屯。屯者盈也。

未有天地。清濁未分。高下未判。天地萬物一渾然爾。既

有天地。乾坤象之。輕清上浮而下降。重濁下凝而上騰。天地

交會。萬物生焉。盈者滿而不虧。合而无間。故乾坤之後。

卽繼以屯。屯者盈之象也。此第舉屯以明盈之象。屯之義下文發之。

屯者物之始生也。物生必蒙。故受之以蒙蒙者蒙也。物之

周易
卷一
稊也

屯者屯難之謂也。物之始生必多難。如赤子之疾病。草木之摧殘。鳥獸魚鼈之胎夭。卵殞未易生也。及生矣。其生必蒙。物固无知。人卽有知而未開。故蒙受之以蒙蒙者。蒙昧之象也。物之稊幼故如此。

物稊不可不養也。故受之以需。需者飲食之道也。

不可不養則養口體。養德行皆然而所先在養口體。以厚其生。故受之以需。需者飲食以養之也。曷不受以頤。頤但言養而需則不疾不徐不先不後得養之道焉。飲食必有訟。故受之以訟。訟必有眾起。故受之以師。師者

眾也

需則讓而不爭何訟之有必有訟者需反爲訟

需訟同宮水天

需反則天水訟失需之道矣詩曰民之失德乾餱以愆禮曰夫

豢豕爲酒非以爲禍也而訟獄益繁則酒之流生禍也

言必有者戒辭也訟必上下其手左右其袒左者左眾

附右者右眾附故受之以師師者眾也先儒云小爭則

訟獄大爭則甲兵信然

眾必有所比故受之以比比者比也比必有所畜故受之

以小畜

地廣民眾必於才識德望之大者而歸之此眾必有所

比也。下比上之辭也。人民雖眾，必其才識德望之大者，足臨之。比者，比也。上比下之辭也。有德則人土財用皆歸之。此比之必有所畜也。受之以比，受之以小畜，其理然也。

物畜然後有禮。故受之以履。履而泰，然後安。故受之以泰。子路曰：傷哉貧也！生無以爲養，死無以爲禮也。非畜而欲行禮，難矣。故既富，方穀資富，能訓其物，畜而後小禮之謂與此小畜受以履也。履者，禮也。人有禮，則安。履則危。禮者，心安體舒，所謂泰也。故受之以泰。按自乾坤至履而有泰，至履十卦十天地相交之義也。自泰而否。

至履十卦十者數之全

天地循環之義也。有天地而萬物屯蒙亨屯啓蒙作君作師之責也。需以養之。訟以平之。師以容民畜眾立井田之法。比以建國親侯。廣封建之規。小畜以奠民之身。家履以立民之性命。而君師體天地育民之道始盡焉。故得其道則泰。失其道則否。不可不知也。一

泰者通也。物不可以終通。故受之以否。物不可以終否。故受之以同人。

上下交則爲泰。王道四達而不悖。所謂通也。上下不交則爲否。天地閉。賢人隱。同人則人事盡而天心轉也。物不可以終通。所以警驕奢淫佚之習。物不可以終否。所

以作奮發有爲之氣。泰否平陂往復之運。救之者人也。受以同人。聖主作於上。賢臣効於下。大同之治也。

與人同者。物必歸焉。故受之以大有。有大者。不可以盈。故受之以謙。有大而能謙。必豫。故受之以豫。

戾於衆者。情必散。同乎人者。物必歸。比則小畜。同則大有。比以情而同。以德故小大異焉。大者薄海內外。撫而有之。有大易盈。或馳驚兼容。并包窮兵黷武。或倚藉豐亨。饒裕盤樂。荒淫不可者。戒辭也。受之以謙。持盈保有也。謙則受益。不以天下爲樂。而以四海爲憂。朝野清平。中外祗福。則豫說矣。

豫必有隨。故受之以隨。以喜隨人者。必有事故。受之以蠱。蠱者事也。

豫順以動。人喜隨己。己亦喜隨人。故受以隨。隨得其正。則君臣明。良朋友集。益隨失其正。則君臣驕。誼朋友佞。柔其蠱。壞必矣。既蠱矣。道應幹蠱。所謂事也。

有事然後可大。故受之以臨。臨者大也。有大然後可觀。故受之以觀。

豐功大業。必歷試諸艱。非宏濟艱難。不能大也。果盡其事。大業生焉。受之以臨。臨者大也。以上臨下。實以大臨。小聰明。睿知。足以臨。則大矣。維其大。故足以觀。示天下。

垂衣裳而天下治也。

可觀然後有所合。故受之以噬嗑。噬嗑者合也。物不可以苟合而已。故受之以賁。賁者飾也。致飾而後亨則盡矣。故受之以剝。剝者剝也。

德觀天下。合者合之。不合者食之。德威惟畏也。受以噬嗑。噬嗑而噬。頑梗皆化。无不合矣。合不苟合。以禮飾焉。无禮行。露畏之。雀角爭之。相鼠惡之。沮洳刺之。受之以賁。賁者禮之飾也。然白賁乃无咎。徒致飾於外。以求通實義。不存真精。已竭物力。亦耗則盡矣。故受之以剝。剝者剝也。使人思所由剝。卽思所以治剝。

物不可以終盡。剝窮上反下。故受之以復。復則不妄矣。故受之以无妄。

剝則盡矣。物不可以終盡。天也。亦人也。剝窮極於上。則反復於下。在天則陰已極而陽復生。在人則亂已極而治復出。然窮極於上。不於上治之。而於下基之。能下自反。則復矣。故受以復。天心來復。天命行焉。真實无妄。天之所與也。故受之以无妄。

有无妄然後可畜。故受之以大畜。物畜然後可養。故受之以頤。頤者養也。不養則不可動。故受之以大過。

僞妄不可以畜。德惟无妄然後可。此忠信所以進德立

誠所以居業也。比受以小畜。人士財用之所歸。猶小也。无妄受以大畜。道德仁義之所聚。則大矣。物畜然後可養。非養口體也。養氣養心養性。皆於畜得之。文言所謂積善。孟子所謂集義也。畜以養其大有爲之才。德則有大過人之事業。受以大過則可動而應天下矣。當大過之時。非有大過之才。其曷濟乎。

物不可以終過。故受之以坎。坎者陷也。陷必有所麗。故受之以離。離者麗也。

若有大過之才。而過用之。則終過矣。物不可以終過。凡物皆然。恃才尤甚。趾高心不固。輕敵備不設。予智者自

驅於陷阱而不知也。故受之以坎。坎者陷也。使之怵然失所恃而不入於坎陷。不終於坎陷。若既陷矣。必思所以附麗而出險。扶危定傾。必明者出焉。故受之以離。離者明也。不曰明日麗離。不自露其明。智深哲濬。若緣物而出。天下皆倚賴焉。故曰麗與予智者正相反。

王昭素云。序卦曰。離者麗也。下有麗必有所感。故受之以咸。咸者感也。十四字。晁以道古易取之。增入正文。非也。張文饒云。上經不言乾坤。下經不言咸者。天地人物之本。藏諸用也。

有天地然後有萬物。有萬物然後有男女。有男女然後有

周易卷一
夫婦有夫婦然後有父子。有父子然後有君臣。有君臣然後有上下。有上下然後禮義有所錯。

此言咸爲夫婦之道。推所由始。兩儀立焉。萬物備焉。推所由成。三綱首焉。禮義行焉。夫婦得其道。則天地。地位。萬物。育。父。子。君。臣。上。下。禮。義。皆。得。其。正。易。則。亂。矣。有。天。地。有。萬。物。有。男。女。陰。陽。氣。化。之。自。然。也。有。男。女。而。夫。婦。成。人。道。所。當。然。也。父。子。者。夫。婦。所。出。君。臣。者。父。子。所。出。君。父。道。也。臣。子。道。也。子。孫。既。衆。必。得。君。而。後。治。上。古。萬。國。所。由。然。也。君。臣。上。下。禮。義。錯。焉。禮。者。聯。其。情。義。者。別。其。分。明。夫。婦。之。道。萬。理。具。備。咸。二。少。匹。男。下。女。別。嫌。明。微。

禮義所由出。家國天下所由治。

夫婦之道不可以不久也。故受之以恆。恆者久也。

王道久而天下化成。夫婦之道久而家道化成。不久則失天地悠久之義矣。咸以少男下少女。夫婦之始。恆以長男上長女。夫婦之終。受之以恆。恆則久矣。久則貧富一夷險常變。一夫婦之道久則得焉。

物不可以久居其所。故受之以遯。遯者退也。物不可以終遯。故受之以大壯。物不可以終壯。故受之以晉。晉者進也。進必有所傷。故受之以明夷。夷者傷也。

不知變通。久居其所不可得也。繫辭曰：易窮則變。變則

通。通。則。久。受。之。以。遯。則。知。變。通。矣。遯。者。退。也。言。不。得。不。退。不。可。不。退。當。退。而。退。者。時。也。義。也。物。无。終。退。之。理。必。有。復。壯。之。時。遯。之。有。大。壯。猶。剝。之。必。復。也。既。壯。則。不。止。於。壯。必。進。而。有。爲。焉。故。受。之。以。晉。晉。者。進。也。以。明。進。也。苟。知。進。而。不。知。退。知。時。行。而。不。知。時。止。則。進。必。有。所。傷。故。受。之。以。明。夷。夷。者。傷。也。謂。傷。其。明。也。此。一。節。因。恆。以。明。進。退。之。義。若。循。環。焉。夫。遯。之。爲。退。晉。之。爲。進。人。知。之。矣。然。退。之。爲。壯。進。之。取。傷。人。不。知。也。老。子。曰。以。退。爲。進。智。士。寶。之。其。何。傷。哉。

傷於外者必反乎家故受之以家人家道窮必乖故受之

以睽睽者乖也。乖必有難。故受之以蹇。蹇者難也。物不可以終難。故受之以解。解者緩也。

傷於外者。反乎家。猶以退救進之失也。明友无我。兄弟禦侮。疏不如親矣。去危就安。理固然。禍兮福倚也。故受之以家人。則安矣。言物行恆。富家大吉可也。身不行道。不行於妻子。匹夫窮於惠。天子窮於恩。分離乖隔。既至於睽。乖之甚也。夫和氣致祥。乖氣致戾。乖必有難。禍由自取。故受之以蹇。蹇者難也。屯蒙需坎困。俱遇險蹇。獨言難。莫甚於出自家者。此則福兮禍倚也。難貴於解。然非急迫所能解也。受之以解。解者緩也。謂寬緩以解之。

福兮禍所倚。卽禍兮福所基也。

緩必有所失。故受之以損。損而不已必益。故受之以益。益而不已必決。故受之以夬。夬者決也。決必有所遇。故受之以姤。姤者遇也。

解難在乎緩。作事期於敏。緩則怠。怠則損。此緩之失。所以致損也。然深自貶損。懲忿窒欲。卽爲受益之地。損而不已必益。損无已益亦无已也。然惟知求益。莫益或擊已成潰決之勢。益而不已必決。益无已決亦无已。故受之以夬。夬決也。以五陽決一陰。五君子決一小人。无疑也。然小人由是決。卽以是遇。受之以姤。姤遇也。夬言決。

喜辭也。姤言遇。危辭也。此言損益。夫姤之用。困也。

物相遇而後萃。故受之以萃。萃者聚也。聚而上者謂之升。故受之以升。升而不已。必困。故受之以困。困乎上者必反。下。故受之以井。

遇合也。不合則散。合則聚。故受之以萃。萃者秀之所聚也。君子學以聚之。修於家者。獻於廷。聚而上者。謂之升。藏諸野者。升諸朝也。升而不已。必困。猶進必有所傷。惟晉以明進。其傷速。升以柔升。其困遲。非升之困。升而不已之困也。困乎上者。必反。下。卽傷於外者。必反乎家。其理一也。凡人之情。外則危。內則安。高則危。下則安。剝窮。

上反下撥亂反正事以下爲基也困乎上反下任大責重職以下易稱其理亦一也受之以井下以濟困卽以自養也此言升困之相因也

井道不可不革故受之以革。革物者莫若鼎故受之以鼎。養人之水宜清不宜濁革以致其清宜熟不宜生鼎以致其熟此論水火相尅相生之義井水也中有兌金水母也以木出之以養人也受之以革兌金離火相生在焉相尅在焉革去故也以易水之氣鼎取新也以變水之性以木出者以木入之此巽火之爲烹飪也水雖尅火有兌金在其中不惟不尅而火反資於水。火雖尅金

有水在其上不惟不尅而金反資火以成濟水之功也此井所以受革與鼎也

主器者莫若長子故受之以震

鼎祭器也

或以禹鑄九鼎遷殷遷周言

傳曰冢于奉君之粢盛以事

宗廟社稷者也國有長君社稷之福立愛固非立賢未必賢立長則教之有素其識定其行優奸臣不能窺伺婦寺不能獻讒故莫若長子震長子也

震者動也物不可以終動止之故受之以艮艮者止也物不可以終止故受之以漸漸者進也進必有所歸故受之以歸妹

震以陽動。不以陰動。以理動。不以欲動。動於理善矣。然以理勝。卽以理敗。故止之。止其動。非止其理。卽理亦當止也。受之以艮。艮者止也。以理止。不以欲止。物不可以終止。終止則事不濟。時止則止。時行則行。故受之以漸。漸者進也。无欲速。无中止。非晉之進有所傷。升之進爲所困也。故進必有所歸。正學不惑於邪說。王道不流於雜霸。故受之以歸妹。此明動靜進止之相因。動而止。卽漸而歸焉。

得其所歸者。必大。故受之以豐。豐者大也。窮大者必失其居。故受之以旅。旅而无所容。故受之以困。其人也。

得其所歸已之德有以得之也大則人亡財用皆歸之
故受之以豐豐者大也窮大者必失其居驕奢淫佚由
是起國破家亡由是起與人同者物必歸為大有得且
所歸者必大大與豐一也乃有
大而能謙其終也豫窮大而失故受之以旅周厲出
唐元奔蜀猶旅人也旅而无所容天下之大无所托足
雖非初登天後入地而已傷於外反乎家故受之以巽
巽者人也

入而後說之故受之以兌兌者說也說而後散之故受之
以渙渙者離也物不可以終離故受之以節

捍格不入不入則苦縛束不入不入則拒故入而後說

之理義說我心芻豢不足言也。德澤說民心寤寐不能忘也。故受之以兌。兌者說也。凡人之情憂則鬱結說則舒散。故說而後散。說在中樂則發散在外孝弟之生手舞足蹈仁義之澤後舞前歌。故受之以渙。渙取其散又懼其離。渙者離也。詩曰今者不樂日月其除。无已太康職思其居。所謂物不可以終離。故受之以節。卽樂不可極。志不可滿。節節制也。

節而信之。故受之以中孚。有其信者必行之。故受之以小過。有過物者必濟。故受之以旣濟。物不可窮也。故受之以未濟終焉。

節○則○有○制○有○制○則○不○縱○節○則○守○約○守○約○則○不○濫○信○易○踐○
也○故○受○之○以○中○孚○中○孚○信○也○无○信○不○行○无○信○不○立○有○其○
信○者○必○行○之○大○信○不○約○小○信○未○孚○好○信○不○好○學○其○蔽○也○
愚○蓋○時○有○損○益○事○有○變○通○一○於○信○不○及○致○詳○小○過○見○矣○
故○受○之○以○小○過○小○過○者○小○心○謹○慎○之○過○也○故○大○過○過○乎○
大○恃○才○妄○動○受○之○以○坎○小○過○過○乎○小○中○存○寅○畏○受○以○既○
濟○有○過○物○者○小○心○過○於○人○也○故○足○以○濟○事○既○濟○而○窮○猶○
窮○大○者○必○失○其○居○戒○其○不○可○時○雖○既○濟○仍○當○以○未○濟○視○
之○慄○慄○危○懼○日○慎○一○日○事○濟○而○心○懷○未○濟○懼○以○終○始○其○
要○无○咎○此○之○謂○也○

序卦傳。孔子序六十四卦之名。發明不可爲典要。歸於既有典常。其於人也。內外使知懼云爾。蓋自有乾坤而泰之有否。剝之有復。臨之有觀。遯之有壯。平頗往復。循環无端。不知理有必然。而禍患卽在必然之內。如屯蒙當需以養也。而訟卽生焉。以喜隨人。而蠱伏焉。致飾而亨。而剝起焉。負大過之才。而坎陷焉。家人之睽。而蹇難焉。以明進者。明卽夷焉。以柔升者。而柔困焉。遯壯晉夷。明進退之機。家睽蹇解。明倚伏之理。損益則盛衰之相。因震艮漸歸。則動靜行止之無定。豐勿憂。厲六失居。節可行而虞其或過。卽旣濟。猶終以未濟。其明見以爲。

當然而不必然者卽不必然而自然者則不可典要之
謂也後世人主瞻前顧後之心而患每出於所料之外
秦監周封建之失天下廢之而爲郡縣而患起匹夫漢
監秦而廣樹宗藩而患起七國景武以下監兄弟之禍
割大弱強而患在外戚東漢除外戚之禍而患在閹豎
魏晉六朝除閹豎之患患在權臣唐除權臣之患患在
藩鎮五代因之宋懲藩鎮之患患在外夷變不勝窮智
力俱困此卽不可爲典要者當思既有典常之道也必
也屯蒙盡君師之責履豫正禮樂之經訟嗑持訟獄之
平同人則公而无私大有廣而无外頤鼎以養賢需井

以養民。師以正之。比以親之。本之以知。臨離照通之感。之。久。之。以。咸。恆。實。之。以。中。孚。入。而。說。說。而。散。天。德。王。道。之。實。功。節。而。信。信。以。行。天。德。王。道。之。實。效。小。畜。大。畜。以。成。其。德。小。過。大。過。以。斂。其。才。君。則。謙。光。而。不。流。於。豫。怠。民。則。萃。聚。而。不。至。於。渙。離。所。謂。既。有。典。常。在。此。內。外。知。懼。亦。在。此。若。夫。私。憂。慮。患。雖。焦。思。勞。神。无。當。於。知。懼。之。旨。也。

說卦傳

皆者聖人之作易也。幽贊於神明而生蓍。

龜策傳曰：天下和平，王道得而蓍莖長丈餘，其叢生滿百莖。是生蓍當聖人之世也。而聖人作易，卽以蓍幽贊於神明，贊助也。由是創立用蓍之法。大衍之數五十，所以祐神也。傳神之意，以告人。神不言，卽蓍求卦，代神言之，生猶立也。此皆自然，而然故不曰立，而曰生。

參天兩地而倚數

卽河圖數也。河圖以一函三，明天能包地，陽能包陰。故曰參天。以天一包地二。地不能包天，陰不能包陽。故曰兩地。天參

兩地則五也。繫辭曰：參伍以變。而六七八九之數倚之以起。蓋三三則

九老陽也。三二則六老陰也。兩兩則四。兩四則八。少陰

也。兩二一三則七少陽也。莊子曰：二與一爲三。過此以往，巧歷不能得。故三

九則二十七。三六則一十八。二少卽在二老之內。卽揲

著求卦之事。而天下之數由是生焉。

觀變於陰陽而立卦。發揮於剛柔而生爻。和順於道德而理於義。窮理盡性以至於命。

觀天地雷風日月山澤之變以立八卦。繫辭：觀象於天，觀法於地，觀鳥

獸之文，與地之宜，於是始作八卦。重之爲六十四卦。而陰陽皆在卦中。發如草木之發由本，以及末。揮如用手之揮，由此以達。

彼不言陰陽言剛柔者剛柔卽陰陽陰陽以氣言剛柔

以質言易見也生爻猶立爻初三五剛二四上柔統揲

著求卦言之非觀變發揮在生爻後也道卽陰陽之道

如乾道陽坤道陰六子則陰陽之道往來德卽陰陽之德如乾德

健坤德順六子之德在焉和則不乖順則不逆統言之也理條

理也義卽三百八十四爻之義分言之也此自源以達

流猶保合太和以至各正性命也窮理卽窮三百八十

四爻之理上繫知幽明之故知死生之說知鬼神之情狀盡性卽盡八卦乾健

坤順之性上繫樂天之仁分言之也至命則天地陰陽之

道自我而一而上繫神无方而易无體合言之也此自流而溯源猶

各正性命。以至保合太和也。窮理久也。盡性卦也。至命則著之神。而數在其中。故易爲言理之祖。理之源。流既明。而象與氣數若網在綱矣。

右第一章

昔者聖人之作易也。將以順性命之理。是以立天之道曰陰與陽。立地之道曰柔與剛。立人之道曰仁與義。兼三才而兩之。故易六畫而成卦。分陰分陽。迭用柔剛。故易六位而成章。

承上章窮理盡性至命言。自天地賦予於人。謂之命。人受於天地。謂之性。性與命皆有至理存焉。聖人將以順

天。地。人。性。命。之。理。而。作。易。也。立。天。之。道。不。曰。陽。陰。曰。陰。
與。陽。以。氣。之。相。交。言。地。之。道。不。曰。剛。柔。曰。柔。剛。以。質。之。
相。錯。言。人。之。道。曰。仁。義。以。德。言。兼。天。地。人。三。才。之。道。以。
兩。象。之。初。剛。二。柔。地。道。三。仁。四。義。人。道。五。陽。上。陰。天。道。
也。故。易。六。畫。成。卦。三。才。之。道。備。矣。分。陰。分。陽。謂。二。四。上。
陰。則柔與初。三。五。陽。則仁與分。之。而。陰。陽。見。不。易。之。易。
也。迭。用。柔。剛。謂。陰。爻。陽。爻。九。與。六。迭。居。之。則迭用陰陽
知此。交。易。變。易。之。易。也。故。易。六。位。而。成。章。謂。陰。陽。相。錯。
剛。柔。相。推。仁。義。互。用。雜。而。成。文。則。謂。之。章。

右第二章

天地定位。山澤通氣。雷風相薄。水火不相射。八卦相錯。數
往者順。知來者逆。是故易逆數也。雷以動之。風以散之。雨
以潤之。日以暄之。艮以止之。兌以說之。乾以君之。坤以藏
之。

先言天地而後言六子。由體而之用。後言六子而歸於
天地。由用而之體。此伏羲先天卦圖也。說本邵子漢唐諸儒未道乾
南坤北。天地定位也。艮西北。兌東南。山澤通氣也。震東
北。巽西南。雷風相薄也。離東坎西。水火不相射也。定位
其體立也。通氣者。卽定位而氣通。通則相薄。言氣合也。
氣合而至不相厭射合之至也。蓋天地定位。古今不移。

山澤勢分而氣通。雷風勢殊而氣合。水火相尅而相生。皆天地自然之妙用也。八卦相錯者。謂乾兌離震巽坎艮坤爲八卦。復相錯。每卦加乾兌離震巽坎艮坤爲六十四卦。此圓圖也。數往者順者數已生之卦。陰陽左旋也。由乾三陽兌離二陽震一陽坤三陰艮坎二陰巽一陰兌離一陰震二陰坤三陰艮坎一陽巽二陽乾三陽亦然。知來者逆者數未生之卦。陰陽右旋也。由巽一陰坎艮二陰至坤三陰震一陽離兌二陽乾三陽。坤三陰震二陰離兌一陰乾三陽巽二陽坎艮一陽亦然。卽下文雷動風散雨潤日暄艮止兌說而歸於乾君坤藏也。故就易而論。不數順而數逆。易以知來也。圓圖右旋爲逆。

數凡陰陽俱自一而二而三卽畫卦亦自下而上橫圖
自太極生兩儀兩儀生四象四象生八卦以至六十四
卦无非易數雷動以下申知來者逆之意一陽動二陰
之下爲雷一陰入二陽之下爲風陽入陰一陽陷二陰亦爲風
之中爲雨一陰麗二陽之中爲日言雷風雨日不舉震
巽坎離易見也一陽止二陰之上爲山一陰說二陽之
上爲澤舉艮兌不言山澤者山澤不足盡艮兌之義故
上繫曰一寒一暑也乾坤卽天地也乾以君之卽乾知
大始言君主六子也坤以藏之卽坤作成物言藏歛六
子也言乾坤不舉天地尊天地也乾君卽太極也君不

也。可見坤藏之也。君即下章以明帝也。此由所以歸於體也。

右第三章

帝出乎震。齊乎巽。相見乎離。致役乎坤。說言乎兌。戰乎乾。勞乎坎。成言乎艮。萬物出乎震。震東方也。齊乎巽。巽東南也。齊也者。言萬物之潔齊也。離也者。明也。萬物皆相見。南方之卦也。聖人南面而聽天下。嚮明而治。蓋取諸此也。坤也者。地也。萬物皆致養焉。故曰。致役乎坤。兌正秋也。萬物之所說也。故曰。說言乎兌。戰乎乾。乾西北之卦也。言陰陽相薄也。坎者水也。正北方之卦也。勞卦也。萬物之所歸也。

故曰勞乎坎。艮東北之卦也。萬物之所成終而所成始也。故曰成言乎艮。

此文王後天卦圖也。帝卽乾之君。以主宰言太極也。至震而帝始出。天地之生機。帝出之也。出而未齊。至巽而帝齊出矣。齊而未見。至離而帝相見矣。生而長矣。長不可不養。致役乎坤。帝役之。使養萬物也。坤於帝有臣道。於物有母道焉。說言乎兌。帝說之。生長之機。至兌始暢也。戰乎乾。至乾而帝戰之者。陽勝陰而天地之生機不息矣。勞乎坎。至坎而帝勞之者。陰勞陽而天地生生之勢得休息矣。成言乎艮。至艮而帝成之者。萬寶告成止。

而靜而動機卽伏焉又以爲帝出之本也萬物出乎震
以下明萬物之出入卽帝之出入也震東方生物之方
陽始出也則巽東南離南坤西南兌西齊乎巽言萬物
之潔齊萬物之出也不潔則陰陽混濁不齊則陰陽雜
揉而無以相見潔齊則不混不雜矣潔齊於內明見乎
外萬物皆相見聖人南面聽天下取此以人帝明天帝
也潔齊而明見矣繼之以坤以養之也坤言地則震雷
日兌澤乾天坎養物莫如地也得養而物情豫說矣兌
雨艮山可知言正秋則震正春巽春夏離正夏坤夏秋之爲言收也
秋則震正春巽春夏離正夏坤夏至秋而冬陰盛矣陰盛而陽必與之戰此陽氣之流行

不息。卽在人。之天命。常存也。言陰陽相薄。卽戰而猶相

合矣。

則震陽盛。巽陽極盛。離陽盛而陰漸生。坤而兌陰盛矣。至乾陰盛而陽與戰。坎陰盛而陽漸生。由艮

而震陽復盛矣。

勞乎坎。坎言水。

則震陽木。巽陰木。離火。坤土。兌陰金。乾陽金。坎水。艮土。可知。自

震巽而離。則木生火。自離而兌。火尅金。中有坤土。火生土。土生金。自兌乾而坎。金生水。自坎而震。則水生木。中

有艮土。則土尅水。木尅土。相生相尅。循環无端。播五行於四時也。

萬物所以歸根立命

也。至艮而萬物成終。卽以成始而復出。乎震如貞下起

元焉。帝之出也。萬物一太極也。萬物之出也。物物一太

極也。先天圖言陰陽對待。後天圖言陰陽流行。其實一

理也。

右第四章

神也者。妙萬物而爲言者也。動萬物者莫疾乎雷。撓萬物者莫疾乎風。燥萬物者莫熯乎火。說萬物者莫說乎澤。潤萬物者莫潤乎水。終萬物始萬物者莫盛乎艮。故水火相逮。雷風不相悖。山澤通氣。然後能變化。旣成萬物也。

前二章列乾坤於六子中。猶家有父母與子女也。身有心與耳目手足也。此章列六子不言乾坤。猶家子女用事而父母无爲身耳目手足用事而心无跡。然所以命子女者父母也。運手足耳目者心也。故曰神卽天地也。此太極寓於无極之理。帝以陰陽主宰。言神以陰陽不測。言萬物負陰抱陽。其妙皆神之所爲也。其見於功用。

動之撓之燥之說之潤之終之始之皆神之妙也陽動陰而成雷以動萬物之生機陰入陽而爲風以散萬物之積滯雷動萬物之伏陰伏陽風散萬物之積陰積陽也萬物之陰氣重則日以熯之萬物之陽氣重則澤以說之離火發揚物麗之无不熯兌澤深透物挹之无不說也陰陽和而坎雨降萬物被其滋潤由是根深實遂各安所止終萬物使之成終卽成萬物使之成始也凡此皆神妙之爲不知其然而然者是水火異用而同功相逮則雨暘時若也雷風各起而相助不相悖則陰陽无愆伏也山澤異勢而同貫通氣則流而不息合同而

化此皆兩而化一而神乾道變化坤作成物也

右第五章

乾健也

純陽則健天行健也

坤順也

純陰則順地承天也

震動也

陽在二陰之下則必動動

莫如

巽入也

一陰在二陽之下則必入或曰陰

雷也

在內而陽入之

坎陷也

陽陷

陰中

惟陽始可言

離麗也

陰麗陽中或曰陰在中二

易麗莫如火也

艮止

也

也

至止者莫如山也

兌說也

一陰息二陽之上則

說至說者莫如澤也

此言八卦之德按之彖傳則巽言巽不言入坎言險不

言陷或謂陷非德故坎必言習坎而後成德不知德有

凶有吉順理用之則吉逆理用之則凶訟之險而健歸

妹之說以動皆凶德也此第著其德如是

右第六章

乾為馬

馬性健

坤為牛

牛性順

震為龍

龍性動

巽為雞

雞性伏

坎為

豕

豕性汗陷

離為雉

雉性文明

艮為狗

狗性止而內守

兌為羊

羊性狠而外柔

孔正義曰此一節畧明遠取諸物也。王輔嗣曰義取諸健。何必乾之為馬。義取諸順。何必坤乃為牛。愚謂輔嗣乃得意忘言。得言忘象之意。彼徒見乾為馬而爻則稱龍。坤為牛而彖則稱馬。離為雉而彖則稱牛。不知龍稱於乾亦稱於坤。乾坤包震也。坤馬稱牝。坤承乾也。離牛稱牝。離稟坤也。易者象也。卽鼎亦曰鼎者象也。以木巽火。烹飪也。且此節特庶物之性。與八卦相通。非八卦之

象泥於是也。

右第七章

乾爲首。

圖而至尊

坤爲腹。

廣而善藏

震爲足。

善動

巽爲股。

伏而歧

坎爲耳。

聰藏於內

離爲目。

明見於外

艮爲手。

善止

兌爲口。

善說

孔正義曰。此一節畧明近取諸身也。上章庶物只得八卦之一。此章論人則兼八卦之全。所以人爲萬物之靈。韋昭謂備八索以成人者此也。

右第八章

乾天也。故稱乎父。坤地也。故稱乎母。震一索而得男。故謂之長男。巽一索而得女。故謂之長女。坎再索而得男。故謂

之中男離再索而得女。故謂之中女。艮三索而得男。故謂之少男。兌三索而得女。故謂之少女。

此節取象於一家也。以天地稱父母。天尊而地親。父尊而母親也。乾坤象之。稱者。卑者稱尊之辭也。索求也。陽求陰而成震。坎艮陰求陽而成巽。離兌索而得之。則震得乾初。坎得乾二。艮得乾三。巽得坤初。離得坤二。兌得坤三。陰足而陽感成男。陽足而陰感成女。此天地陰陽感應之機也。謂者。尊者謂卑之辭也。繫辭曰。乾道成男。坤道成女。此申言之。明二陽一陰爲女。一陽二陰爲男。以少御多之旨也。父母子女聚於一家。猶天地雷風日。

月○山○澤○在○於○天○下○此○百○姓○與○知○與○能○即○聖○人○所○不○知○不○能○也○

右第九章

乾○為○天○

健行不息

為○圓○

圓者无端

為○君○

朝之至尊

為○父○

家之至尊

為○玉○

至純

為○金○

至精金玉者純粹以精也

為○寒○

為○冰○

西北嚴凝之氣

為○大○

赤○

純陽之色

為○良○

馬○

行健之善

為○老○

馬○

行健之久

為○瘠○

馬○

馬多骨者至健

為○駁○

馬○

牙如鋸食甚健

為○木○

果○

成即生之始剝日碩果是也

荀九家八卦取象三十有一本義取之

為○龍○

變化見父辭

為○直○

純陽

為○衣○

垂衣裳天下治取乾坤則乾為衣

為○言○

言張陽氣

也凡四

虞仲翔八卦取象三百二十有二按虞氏五世孟氏易

學必有師承

為王為君故為神陽為為人鄭康成注乾鑿度為聖人

九五剛健中為賢人為君子九二閑邪存誠為善人元者善為

武人性剛春秋外為行人乾行為物乾純粹精為敬九三

為威為嚴德君為道道原為德四德為性根於為信乾德

四為善善道為良乾善為愛長人為忿乾剛武為生陽

生為慶陽稱為祥善也為嘉亨者嘉為福為祿為積

善為介福陽德之為始乾知大始為知易為大陽為

為盈乾盈為肥乾盈為好賈逵好為施陽主為利乾金

四德之三為清輕清者天為治乾元天為高天至為宗尊也天

宗為甲乾納甲素問為老四月陽之老為舊為古大也為

久則不息為畏畏天威為大明終始為晝陽之盛為遠蕩蕩者天為

郊位西北為野同郊為門謂關戶為大謀坎心為謀故為道

門入道之門為百盈數為歲則歲盈為朱大赤為頂首也為圭

王也為著百著數凡六十

坤為地地道柔為母地生育乾為布質而柔為釜化生為吝

嗇性靜而翕為均動而闢為子母牛善變為大輿載能為

文萬物之為眾三陰坤為民傳為柄生物之本其於地也

為黑純陰之色按天元地黃

司馬氏易 卷一 說卦傳 三 懺花盒

荀九家為牝乾牝故為迷陰則迷為方天圓故為囊善為

裳乾衣故為黃坤黃地為帛坤道柔為漿陰也凡八

虞氏坤為妣坤為喪稱妣為民陽君陰民故為姓既生

為刑人坤為刑為小人陰也為鬼乾神故坤鬼黃帝

為尸坤為身為喪身喪故為尸為形在地成形為白坤為鬼門

為我坤為身為躬坤為身為至坤至哉為安主靜故為康安為富大戴

為財坤為財為積坤為聚為重坤重濁為厚坤厚為基坤為基

為致坤為致為用坤為用為包坤為包為寡坤為寡

為營或云旬營通坤為旬鄭為下坤為下為裕坤為裕

為徐坤為徐為書坤為書為永坤為永為邇坤為邇為近坤為近

陰虛為書地事為永六利永貞為邇近如

地。為思。思順。為默。默足。為惡。乾好故。為禮。為義。而理為。

事。或從王事。為類。坤為馬地類。為閉。謂閨戶。為密。靜故。為恥。為。

欲為過。陰也。為醜。坤為夜。太元。為惡。乾陽善。為怨。為害。陰也。

為終。有終。為死。死魄。為喪。於乙。為殺。為亂。陰也。為喪期。陰也。為。

積惡。初六。為冥。為晦。陰也。為夜。陰也。為暑。五月姤一陰生。

為乙。坤納。為年。終。為十年。坤數。為盍。與闔同。為戶。為。

闔戶。繫為庶政。坤眾故為庶。為大業。繫。為土。為田。為邑。

為邦。為國。坤土。為大邦。坤地。為鬼方。陰也。為器。形而。為缶。

坤為輻。為大輿。為虎。京房坤。為黃牛。中央。共八十二。

震為雷。虞氏曰。太陽火。得。為龍。虞氏作驪。駝蒼色。震東方。

水有聲。雷聲動。為龍。故為驪。若作龍。上已有為。

龍此為元黃虞氏天元地黃為專孔正義云春時氣至草木皆吐專布而生虞氏

說是為元黃震天地之雜故為專木皆吐專布而生虞氏

作專謂陽在內陰靜未出觸坤故專說文古布宅即孔氏之說

堅以專為專大布惠氏專作專說文古布宅即孔氏之說

為長子一索為大塗萬物所生為決震動為蒼簣竹初生色蒼為萑葦又青其於

馬也為善鳴乾之聲為馬足馬後足自為見也為作足動而健行

為的類白額為的類詩云有其於稼也為反生草木始生

勾而反生也虞氏其究為健極於震動為蕃鮮春時草木

荀九家為玉稟乾為鵠性動為鼓雷聲凡三

虞氏震為帝帝出為主長子為諸侯屯豫利為人為行

人震動為元士震初為兄長男為夫晉語司空季子論屯之

男為元夫長為行作足為征也為出月三月為逐驚走

為作震動為興亦動也為奔走為驚衛動也為百震驚百里

里以其數知之一陽三十為言為請為議為問為語為

告震善鳴故為響為音震為鼓為應同聲為交陽初為

懲恐懼為反即修為後長子為世世子為從太子即家子

守則為守守宗廟為左震在卯為生春生又月為緩為

寬動之為仁太元日木三為樂春秋繁露春蠶也為笑

為大笑笑言為陵震為為祭主為壘七為草莽太元

草為百穀春生為麋鹿善驚為筐服虔曰震為為趾足共

五十

巽為木木可以揉曲為風善入為長女一索為繩直木從繩則

司易世異 卷一 說卦傳 三 懺花盒

一。為工。取其齊物。為白。潔。為長。風行之遠。為高。木生而上。為進退。為

不果。故。為臭。氣風之屬。其於人也為寡髮。如風落木葉稀疎。虞氏作為宣髮。宣白也。

為廣顙。齊。為多白眼。也。為近利市三倍。也。其究為躁卦。變。

成震巽。震反也。

荀九家為楊。木。為鵠。質白。凡二。

虞氏巽為命。重巽。為詒。告四方。為號。號。為商。無微不入。

為隨。巽順。為處。人。為歸。入。為利。三倍。為同。齊乎。為交。善。為

白茅。潔。為草莽。柔下。為薪。木。為帛。長。為墉。高。為

牀。巽木。為桑。陰。為蛇。位在巳。為魚。入。共二十。

坎為水。陽在中。為溝瀆。通也。又。為隱伏。水藏地中。為矯輮。

水勢有曲直。水曲而直。象矯。水直而曲。象輓。為弓輪。弓激矢。水激其於人也為

加憂。難也。為心病。同上。為耳痛。坎為勞卦。聽勞則耳痛。為血卦。人有血

水為赤。血色得乾中血。其於馬也為美脊。陽在中堅。為亟心。中堅為下

首。如水流下。為薄蹄。如水流迫地而行。為鼃。如水磨地而行。其於輿也為多眚。二陰在外為

通。為月。外陰內陽。為盜。陰陰。其於木也為堅多心。剛在

荀九家為宮為律。通也。為可。心也。為棟。陽在中堅。為叢棘。陷也。為

狐。性疑。為疾藜。陷也。為桎梏。陷也。凡八

虞氏坎為雲。上坎為雲。下坎為雨。見屯需。為元雲。北方卦。為大川。通也。

見為志。心志。為謀。洪範謀為水。為惕。加憂。為疑。為恤。為迷。

皆憂也。或為悔。心病。為涕洟為疾為災為破為罪為悖。加憂

日逃遠也。為一說卦傳。三。載花盒

而為欲坎水為淫坎水為獄坎為業為暴盜也為毒陷也為虛通也

為瀆煩賣為孚心孚信也為平水至為則法則平為經

六經之經常為法太元日一六為蓍坎為為聚為習

事學為美陽在為後為入心為納為臂見為要

中為膏坎兩為陰夜坎月為三歲三歲不覲為酒坎困未濟

為鬼險也為校桎梏為弧為弓彈為穿木陷共四十六

離為火離陽在外為日精為掌為中女再為甲冑為戈兵

以剛其於人也為大腹中虛為乾日為龍為蟹為贏為蚌為

龜皆剛其於木也為利上槁虛者必上槁

荀九家為牝牛本凡一

虞氏離為黃六二黃為見離目故見為飛明夷于飛為

明離火明明為光明體為甲日出為孕大腹為戎甲冑為

刀為斧為資斧為矢為黃矢皆剛為罔網罟為鶴為鳥

見左為飛鳥見上為甕為瓶虛中共十九

艮為山陰在下陽止為徑路為小石山路之險而多止者也為門闕

止出為果蓏成終即成始震為闍寺止為指為狗守

善入者為鼠守為黔喙之屬獸其於木也為堅多節木老而節堅

荀九家為鼻止而為虎守為狐性疑止凡三按荀氏以

坎為狐又以艮為狐虞氏以坤為虎荀氏以艮為虎如

草莽一也虞氏兼屬震巽豈一物而二象耶

虞氏艮為弟男少為小子三索為賢人得乾之三為童見蒙為童僕

見為官為友為道徑路為時時止則止時行則行為小狐剛在外為狼

多止為碩為碩果剝見為慎止也為順兄弟事為待止也為執手也

為多艮多為厚艮山為求同氣相求為篤實艮山厚為穴居

為城為宮止而為庭左傳艮為門庭為廬止也為牖為居為舍止也

為宗廟為社稷止而為星艮主斗為沫小星為肱止也為背亦止也

值斗九家易曰艮數三七為沫星小為肱止也為背亦止也

為尾為皮艮為膚共三十六

兌為澤一陰在上二陽在下為少女三索為巫以祝辭為口舌言也

為毀折兌西方卦主為附決澤水歸則決其於地也為剛鹵

秋枝葉脫落

澤水久則鹹鹵出為妾。少女多為羊。外柔內狠

荀九家為常

說為妾為輔頰。咸其輔頰

凡二。

虞氏良為友

朋友講習良亦為友為朋。

為朋。

為刑。

為刑。

為刑。

為刑。

人。

口舌為小。

尚言為密。

君不密失臣為右。

助也為少。

知。

故。

為見。

兌見見共九。

共九。

共九。

共九。

共九。

共九。

共九。

共九。

共九。

共九。

此第十章。孔子書也。孔子以後之書也是觀物有乾坤震巽坎離艮兌之象。非文王周公作易時盡於此象也。本義曰。求之於經亦未盡合。此說良然後儒解象爻者牽合附會。以某卦為某故繫曰某板泥迂腐無怪其為王輔嗣所笑也。試問文王周公在先乎。孔子在先乎。

三三
上乾下乾

乾元亨利貞。

連山首艮歸藏首坤周易首乾天地以乾括六十四卦。

以乾統上下皆乾六互皆乾是為純乾。初二三四五互乾

三四五上互乾四五上初互乾健而又健誠而无息純。五上初二互乾上初二三五互乾

而不雜曲而不遺鉅而不過觀乾而天下之理備矣乾。

象天凡地與雷風日月山澤皆天統乾為首凡耳目口。

腹手足皆首貫乾德健凡坤順震動巽入坎通離明艮。

止兌說皆健行也實則一理為主分為四德其見端耳。

无始无極實理渾然太始太極實理昭著曰元亨利貞。

子夏傳曰。元始也。亨通也。利宜也。貞正也。在天春夏秋
冬。在地東南西北。在人仁禮義智。以流行言。元者帝之
出震也。由元而亨。帝之齊巽。見離也。由亨而利。帝之役
坤。說兌也。由利而貞。帝之戰乾。勞坎也。貞則帝之艮。所
以成終而成始。而貞下復起元矣。漢儒言六十四卦。皆
以乾之元亨利貞。發凡起例。不獨爲乾言。若獨爲乾言。
則獨陽不生。無所謂亨。二四上皆失位。無所謂正。必陽
升陰降。終於既濟。乃定此。非言乾不足於四德。當合乾
坤六子。乃足全乾之功用也。宋儒謂大亨而利於正。所
重在正。愚謂惟元故亨。非元不亨也。雖利尤正。非正不

利也。惟元故亨。而利无不正。所重在元也。故曰大哉乾元。凡彖辭文王作。

初九潛龍勿用

乾純陽性常動。故六爻之象不取馬而取龍。龍震動也。

潛巽入也。在卦之下。故有此象。初爻為震初變為巽。在初為復。復曰閉關。在變

為姤。姤亦勿用。勿用者時也。位也。易言勿用有勿用其人者。如

乎已者。如勿用師。勿用有攸往。無龍德而言潛者。市譽

此則時位不可用。仍戒自用也。有龍德而潛。順時位也。○陽

九陰六陽能統陰。故曰九陰不能統陽。故曰六又九老

陽七少陽六老陰八少陰老變而少不變。易重變。故陽

用九不用七陰用六而不用八。或曰連山歸藏皆用七

八惟周易始用六九。

九二見龍在田利見大人。

見龍之見去聲

此出潛離隱時也。見離象也。田坤象也。龍曰見誠而明

也。見龍而在田健而順也。在田則不潛矣。惟明故德見

乎世。惟順則業見乎時。有剛正之德上應九五故利見

在上之大人亦為天下所利見之大人。

是爻二陽為臨臨有居上臨下

之象是爻變為同人得位得中而應乎乾

為上為德為下為民於利見卜之

九三君子終日乾乾夕惕若厲无咎。

剛過不中上乾接下乾故曰乾乾。

凡卦名疊見爻辭者義各有當如謙謙坎

夫皆是。

則健而又健也。日夕離坎象也。若厲坎加變。

象也。終日乾乾者。事不離心。百度惟貞。無怠無荒也。夕惕者。心也。心不離事。永矢弗諼。有嚴有翼也。日夕循環。夙夜匪懈。无厲而若厲焉。是堯舜猶病。孔子猶憂之心。其危乃光也。无咎者。善補過也。義各有當。是父事无愆。忘之咎。心无怠慢之咎也。此父獨稱君子。惟乾惕乃爲君子也。

易有言厲者。有言有厲者。有言貞厲者。此則言若厲。易稱君子。始於乾九三之乾惕。

終於未濟六五之暉光。暉光。正從乾惕中來也。俱詳見總論。又按是父三陽爲泰。无平不陂也。是父變爲履。履虎尾。懼其咥也。書曰。若蹈虎尾。是其義也。

九四或躍在淵无咎。

剛處柔而不中。下卦之上。上卦之下也。二在田。四反在淵。不遽上也。躍于淵。不欲下也。上下之際。審慎如此。躍

近于飛。淵猶遠於天也。或者自審也。

或有二義。有從己言者。此或躍。訟六

三或從王事。有從人言者。訟上九。或錫之鞶帶。无妄六三或繫之牛。益六二或益之十朋之圭。上九或擊之。自

外。淵兌澤也。躍震動也。動而以說行。言當躍也。猶審慎

如此。故无先時而躁。後時而濡之咎。

是爻四陽爲大壯。壯往也。變爲小畜。

施未行也。

九五飛龍在天利見大人。

是爻備全卦之義。故曰天剛健中正純粹精者也。飛龍在天。天則雲行雨施。品物流形。聖人則湛恩汪濊洋溢。

方外爲天下利見之大人也。愚按先儒多以此爻爲以入唐占此爻後見郭子儀即以當之不必泥其爲天子也。視其德耳。又按訟萃蹇巽俱利見大人。大人者持訟之平。人心之萃。濟蹇之難。風行之本也。詳見總論是爻五陽爲夫。施祿及下。變爲大有。居尊位大中而上下應之。

上九亢龍有悔

亢時位之極也。龍德與之俱亢。滿而自溢。高而忘危。一念之盈。終身之悔。此唐太宗伐高麗。後憶魏徵符堅伐晉。後思王猛也。泰之極也。復於隍。豐之極也。部其屋。既濟之極也。濡其首。龍德而亢。猶有悔。況非龍德乎。謙而卑。則有終。亢而上。則有悔。繫辭曰。震无咎者存乎悔。謂

悔於始非謂悔於終也。

是爻備爲純乾四月之卦陰卽根矣。是爻變爲夬其危乃光也。

无號終有凶。不僅有悔也。又乾按易言悔始於乾上九有悔終於未濟六五无悔。詳見總論。

用九見羣龍无首吉。

凡陽爻動者用九而不用七。陰爻動者用六而不用八。

老變而少不變也。春秋傳曰。蔡墨曰。乾之坤曰見羣龍。

无首。謂本卦六爻皆變。義恐未盡。蓋謂三百八十四爻。

有遇三十六策。而老陽變者皆當以見羣龍无首之義。

推之有遇二十四策。而老陰變者皆當以利永貞之義。

推之。南蒯筮黃裳元吉。子服氏見羣龍无首。非无首也。

謂忠信之事則吉者此也。特不見其首。雖有龍德不爲天下首。與亢龍之悔正相。

反故不爲首斯吉也。乾元无端太極无始陽根於陰仁
藏諸用天之道也。剛而能柔健而能順動而能靜進而
能退人之道也。有爲也如無爲有事也如無事天下所
以治也。比之上六以无首而凶陰不從陽也。乾之用九
以无首而吉陽根於陰也。舜作歌先股肱後元首卽无
首之義。君道也。皐陶賡歌先元首後股肱有首之義。臣
道也。愚按此節若專爲乾六爻言應曰見六龍无首吉
曰羣龍則一百九十二陽爻皆龍也又按乾坤二
卦六爻皆變皆有辭義豈屯蒙以下六爻皆變遂無辭
義耶六十二卦皆變無辭義則此用九用六云云者不
獨爲乾
坤言也凡六爻皆周公作。

彖曰大哉乾元萬物資始乃統天雲行雨施品物流形。

彖傳孔子作。

立。始於費直。王輔嗣附於彖爻辭後。本另彖。

傳舉全卦之體如全彖出其首也此以天道釋乾之元

亨大哉者溥博無外流行不息也不曰天元曰乾元者

乾元即天元也。

繫辭曰乾坤毀則無以見易。易不可見則乾坤或幾乎息矣。無以見易即無以

見天。乾坤不可見則天地或幾乎息矣。故邵子以十二會為一元元一也。

萬物資之以為始乾元無始於萬物之始見是物物一

元萬物同一元也是元者乃統乎天也雲行雨施陽唱

陰和也。

上坎為雲下坎為雨作於未濟成陰陽既和始

而雲行繼而雨施品物於是流形則亨矣。

始言萬物統辭也。形言品

物分辭也。董仲舒謂春秋一元之憲一者萬物之所從

物至是是分。

始也。元者辭之所謂大也。謂一爲元者。視大始而欲正本也。春秋深探其本而反自貴者始。故爲人君者正一心。以正朝廷。正朝廷以正百官。正百官以正萬民。正萬民以正四方。陰陽和風雨。時羣生。敘萬物。殖五穀。熟草木。茂皆在於此。春秋謂元卽易之謂元也。故下節以聖人之元亨申之。

大明終始六位時成時乘六龍以御天

以聖人釋乾之元亨也。始卽乾元。終卽貞也。言終始貞下起元也。聖人大明乾元之始。凡卦之六位以時成。潛見躍飛。因乎時也。存惕戒亢。周乎時也。成則無毫髮之

憾。卽乘此六龍之德。變動不居。周流六虛。而萬物胥被。其澤如資。始流形也。就其不易者。言故曰位。方以知也。就其變易者。言故曰龍。圓而神也。本此一元而千變萬化。由此出也。

乾道變化各正性命保合太和乃利貞

以天道釋乾之利貞也。乾元者天之主宰也。乾道者天之燦著也。乾元主乎始。乾道主乎成。變化則有不知其然而然者。物受爲性。天賦爲命。各正性命。飛潛動植者。正。雀入鼠化。無不正也。太和者。性命。中冲和之氣也。保。謂保而不失。合。謂合而不散。於性命各正之中。保合太

和之氣以爲生物之本是乃乾之利貞也。

首出庶物萬國咸寧

以聖人釋乾之利貞也。无首者聖人之心首出者聖人之德言聖人德備乾元首出庶物之上時雍風動萬國咸寧所謂致中而天地位致和而萬物育無不各正性命保合太和也堯舜之咸寧在一時孔子之咸寧在萬世無異天之利貞也。

象曰天行健君子以自強不息

大象傳孔子作也。象也者像也。言天行象乾行也。六十四卦八純卦大象傳有卦名獨乾不名尊乾也。即乾元。

无首之義太極本氣極也。天行健者以一日言則周天
行三百六十五度四分度之一以一年言則三百六十
五日四分日之一以一元言則統十二會三百六十運
四千三百二十世十二萬九千六十年元之又元此天
行之健健卽乾也。於穆不已天之所以爲天也。純亦不
已文王所以爲文也。君子未至於至誠無息則法以自
強不息自勝者強析言之曰息統言之曰不息卽天地
之道恆久而不已也。明出地上晉君子法之以自昭不
爲物欲所蔽也。天行健君子法之以自強不爲氣習所
奪也。

潛龍勿用陽在下也

以下七節小象傳孔子作釋爻辭也。龍陽德也。潛而在下。所以勿用。文言傳下也。以位言。陽氣潛藏。以氣言。此則以德言。處時位之下也。陽在下也。婉辭也。陰始凝也。懼辭也。六坤初

見龍在田德施普也

並利見大人釋之爲斯世所願見。所謂薰其德而良善者數千人。舜之成邑成都。孔子之三千七十也。文言傳曰。時舍見。雖非潛田。仍非天也。曰。天下文明。上得君而下澤民也。此則言其德積於身。施於外者言之。

終日乾乾。反復道也。

並夕惕若。厲釋之。言日夕之間。乾惕不已。反復而揆於道。復曰反復其道。天之行也。乾曰反復道也。君子之心也。道卽進德修業之事。

或躍在淵。進无咎也。

凡象傳有補爻義所不及者。此類是也。爻曰躍。又曰或。欲進而疑。未進也。進无咎也。策之也。又何疑乎。升虛邑。无所疑。策其升。肥遯。无所疑。策其遯。追進一層。

飛龍在天。大人造也。

造如大造。草昧之造。掃除其迹而更張之。復修教化而

崇起之舉。一世而甄陶之。敬天授時制禮作樂。皆大人所造也。

凡龍有悔。盈不可久也。

盈不可久。所以不可亢也。春秋傳曰。盈而蕩。天之道也。謙之彖傳曰。天道虧盈。地道變盈。鬼神害盈。人道惡盈。盈也者。謙之反。亢之謂也。孟子曰。溝瀆皆盈。其涸也可立而待也。

用九。天德不可爲首也。

天德猶不可爲首。况無天德而可爲首乎。此不特爲乾六爻皆變言之。凡一百九十二陽爻皆然。以明易用九。

而不用七之義。蓋用九則陽變爲陰。剛化爲柔。不可爲首。卽善於用九也。詳見上文。

愚按乾以元亨利貞冠。爻以潛見惕躍飛亢發之。潛龍卽貞下所起之元而未見者也。見龍則自元而亨。至是而元始見矣。自亨而利。亨通必有塞。自然之理也。勉以惕保其亨也。惕則亨而利矣。躍利之始也。飛龍則元之亨利无不正。戒其亢則所以養此貞者。以爲起元之本。猶之隆冬之閉藏不固。則當春之發生不盛也。六爻皆發元亨利貞之義。三百八十四爻由是貫之也。又按乾爲天也。爲首也。天不備日月風雲。不成其爲天。首不備

手足耳目口腹。无取其爲首。諸家泥於說卦取象。而不
通括觀之。支節附會者有之。棄象不言者有之。竊觀乾
卦。不專取象於乾。猶之坤卦。不專取象於坤。六十四卦。
亦猶是也。其中陰陽互根。消息相通。如人之有身焉。聖
人於乾已備言之矣。元亨利貞。固通於八純卦。卽通六十四卦
潛巽伏也。龍震動也。見離目也。惕厲坎加憂也。日夕亦
離坎也。田坤也。淵兌也。天乾也。六爻不取於艮。說者謂
天行健。无取乎艮止。而孔子彖傳曰。大明終始。卽艮之
所以成終成始也。故文言傳曰。同聲相應。雷風相薄也。
同氣相求。山澤通氣也。則巽震艮兌備。水流濕。火就燥。

水火不相射也。則坎離備。雲從龍。坎從震也。風從虎。巽從兌也。本天親上。本地親下。乾坤也。八卦之象皆於乾括之。其通於六十四卦者曰咸。萬國咸寧曰復。反復也曰遯。遯世无悶曰恆。進退无恆曰離。非離羣也曰革。乾道乃革是乾通於六卦其餘可推。始於乾之復終於未濟之節詳見總論不可泥專言一卦而不相通也。

文言曰元者善之長也。亨者嘉之會也。利者義之和也。貞者事之幹也。

文言傳孔子作其辭。文者易也。文言傳惟乾坤有之。天地自然之文也。元亨利貞有天道。有人道。此一節自天。

而之人也。以人倫言。則父子有親者。元也。長幼有序者。亨也。君臣有義者。利也。夫婦有別。朋友有信者。貞也。卽以起元也。以性情言。則惻隱。元之端。辭讓。亨之端也。羞惡。利之端。是非。貞之端也。以德言。元者。仁也。得之最始。其量至大。始則生生不已。大則統四端。兼萬善。而爲衆善之長。天下之大本也。亨者。通也。禮也。嘉卽善也。會謂歡然有恩相與。燦然有文相接。是亨者。嘉善之會合也。利者。宜也。義也。義主嚴。義之和。則恩威並濟。寬猛相資。遠近去就。潔其身。喜怒哀樂中乎節。是天下之達道也。貞者。正也。知也。信也。爲事之幹者。萬物所以歸根立命。

枝葉所由發榮滋長也。故人心之不忍。卽天心之好生。人事之節文。卽天理之儀則。人理之達順。體信卽天之性命。各正太和。保合也。元亨利貞而全舉。富有大業也。元亨利貞而遞嬗。日新盛德也。

君子體仁足以長人。嘉會足以合禮。利物足以和義。貞固足以幹事。

此一節四德見於人也。君子統君師言。仁者天地生物之心也。卽元卽復。見天地之心也。體仁非以仁爲體。蓋卽體卽仁。身心內外無非仁也。足以長人。所謂寬裕溫柔。足以有容也。禮天理之節文。天高地下。萬物散殊。而禮

制行也。嘉美會合於身。周折中規矩。聲容中律度。所謂
動容周旋中禮。故足以合禮。觀會通以行典禮。體仁自

天而之人。嘉會盡人而合天也。義者天地之正理。正大

見天地之情也。利物者化裁通變。其化而裁之以盡利通

化之使無不得人心之所同。故足以和合乎義。貞固者

誠也。天下之動貞乎一也。精誠固結。即中庸固聰明聖知。故足以

爲萬事之質幹也。利物卽用以見體。貞固因體以及用。

君子行此四德者。故曰乾元亨利貞。

君子固健行不息者也。未行也。以四德洗心。退藏於密。
寂然不動也。及行也。推而行之化而裁之。無非乾之四

德感而遂通也。故曰乾元亨利貞人也而天矣。

初九曰潛龍勿用。何謂也。子曰龍德而隱者也不易乎世不成乎名。遯世无悶不見是而无悶。樂則行之憂則違之。確乎其不可拔。潛龍也。

龍德而隱非無龍德而隱者也。龍德猶隱不終於隱者。也不易乎世者。易重交易變易。惟不易乃能交易變易也。邪世不亂其德窮居不失其義貧賤不去富貴不處道在而立不易方也不成乎名者不矯情以干譽不詭遇以干時索隱行怪後世有過猶不爲也不易乎世則遯世矣无悶者嘉遯以正其志肥遯以樂其身无悶忘

乎。遜矣。不成乎名。則不見。是於人矣。孔子見毀於武叔。孟子見沮於臧倉。无悶。不怨。不尤。之實學也。然非碩隱流也。樂則行之者。時可爲也。天下皆樂。君子何爲不樂行之。卽行義達道也。憂則違之者。時不可爲也。天下皆憂。君子何爲不憂。違之。是以身殉道也。後天下之樂而樂。先天下之憂而憂。確乎不可拔。見之明而守之固也。

九二曰。見龍在田。利見大人。何謂也。子曰。龍德而正中者也。庸言之信。庸行之謹。閑邪存其誠。善世而不伐。德博而化。易曰。見龍在田。利見大人。君德也。

龍之爲德。負陰根陽。戴仁抱義。故初見其潛。二見其見。

也。二居中故曰正中。

諸家皆云九居二。不正。特正中耳。按孔子本意不在此。需九五。隨九

五皆曰正中。未有中而不正者也。

惟中故庸。天下之理變化皆出於中。

神妙皆本乎庸。庸言庸行皆信謹慥慥篤實之君子。卽神化不測之聖人也。閑者閑其出入。閑有家者閑家人之志。於未變閑邪者。閑一念之邪。於未萌。存存於中也。性之存卽道義之門。誠之存卽閑邪之實。誠存卽盛德至善也。旣善則盡己性。盡人性。盡物性。而世善矣。此皆性分固有。職分當爲。何伐焉。德則誠而形。形而著。著而明。而德博矣。至於明則動動則變。而化有不知其然。而然者。贊之曰君德。二非君位。而君德已具也。舜成都孔。

子設教足以當之

九三曰。君子終日乾乾。夕惕若厲。无咎。何謂也。子曰。君子進德修業。忠信所以進德也。修辭立其誠。所以居業也。知至至之。可與幾也。知終終之。可與存義也。是故居上位而不驕。在下位而不憂。故乾乾因其時而惕。雖危无咎矣。

天下惟剛德足以任道。故於乾九三發之。

三以剛居剛。凡三十二爻。

獨此爻是純乾體。

言天德之剛。非人欲之剛。故能日夕乾惕。以

進德修業也。聖人之崇德廣業。天地之盛德大業。基於此德存於心。業見於事。忠信即存誠。不忠信即不誠。無物。仁敬孝慈皆偽也。無以為進德之基。故曰忠信所以

進德也。辭卽言也。修之而不立誠。雖因文見道。非以身體道而業不居於心矣。故曰修辭立其誠。所以居業也。知至至之者。知理欲之極至而誠其意於存理遏欲以至之也。故可與幾幾者。動之微。理欲之先見者也。知幾其神知之至也。此進德之事也。知終終之者。知性理之終極而策其力於窮理盡性以終之也。故可與存義。義者。天之則。性理之分著者也。精義入神。終之至也。此居業之事也。二者相表裏。非有二心也。此乾惕之君子居上位而荷天地萬物之責。其何驕乎。在下位不損樂天知命之心。其何憂乎。

初爻曰憂。此曰不憂。憂世之心。樂天之誠。並行不悖也。既曰惕反曰

不憂。君子有終身之患也。雖危无咎。其危乃光也。○按二言
憂而无一朝之患也。雖危无咎。其危乃光也。○按二言
言信行謹。卽三之修辭立誠也。二言誠。卽三之忠信也。
二曰存誠。三曰立誠。全體一事之分也。二曰存誠。三曰
存義。存心力行之別也。二言閑邪。卽三之與幾也。二言
不伐。卽三之不驕不憂也。兩爻文義相足。惟二以成德
言。三以入德言耳。此言知至知終。卽知而行之焉。
坤言不疑所行。卽行而知在焉。
九四曰。或躍在淵。无咎。何謂也。子曰。上下无常。非爲邪也。
進退无恆。非離羣也。君子進德修業。欲及時也。故无咎。
上下以位言。進退以身言。夫上下進退常也。恆也。无常
无恆者。進而上。則躍近於飛。退而下。則淵更下于田。上

疑於媚世。故曰非爲邪也。退疑於遯世。故曰非離羣也。
二語文義相足。君子進德修業。明與二三爻之君子同欲及時者。明躍之時。非潛之時也。
大畜不家食。大畜時也。此非功名之士。

碩隱之徒所能及也。何咎之有。

九五曰。飛龍在天。利見大人。何謂也。子曰。同聲相應。同氣相求。水流濕。火就燥。雲從龍。風從虎。聖人作而萬物覩。本乎天者親上。本乎地者親下。則各從其類也。

虞仲翔曰。同聲相應。雷風相薄也。同氣相求。山澤通氣也。水流濕。火就燥。水火不相射也。按乾備八卦之義。九五備全卦之義也。鳴鶴在陰。其子和之。同聲相應也。鳴

嚶草蟲。趯趯阜螽。同氣相求也。聖人在上。而鳥獸魚鼈咸若。若泉始達。火始然。無爲而天下治也。龍興而雲雨至。虎嘯而谷風生。此聖主得賢臣。聖人作而萬物覩也。今天親上。本地親下。不特動物植物。凡日星河嶽皆然也。大人備天地之德。凡負陰抱陽者。莫不尊親。各從其類云耳。

易言應言求言從於此首見詳在總論

上九曰亢龍有悔。何謂也。子曰貴而无位。高而无民。賢人在下位而无輔。是以動而有悔也。

六位時成。上何无位。上與三應。上何无民。衆陽在下。上何无輔。惟亢極而自高。自貴自賢。故无位足酬。无民足

使。无。賢。足。輔。也。大有大畜頤鼎皆動而有悔者悔悟於
動。之。終。動。悔。有。悔。者。悔。悟。於。動。之。始。乾。亢。而。極。困。窮。而。
通。也。詳總論

潛龍勿用下也

井。泥。不。食。下。也。无。德。而。居。下。也。潛。龍。勿。用。下。也。有。德。而。
居。下。也。以。德。居。下。位。猶。如。此。凡。在。下。位。者。知。之。則。无。離。
局。侵。官。之。患。矣。

見龍在田時舍也

舊。井。无。禽。時。舍。也。鄙。之。也。見。龍。在。田。時。舍。也。惜。之。也。言。
未。得。其。時。德。施。雖。曾。當。隨。時。而。止。也。

終日乾乾行事也

此堯舜之兢業萬幾文王之不遑日昃言乾乾不獨在諸心且見諸事也

或躍在淵自試也

書曰試可上試下也此曰自試下試上也如孔子爲之兆也兆足以行之意

飛龍在天上治也

德盛而下自化爲无爲事无事也

亢龍有悔窮之災也

易言窮者多在上爻

坤上六隨上六无妄上九巽上九節上六復上六

見於彖

傳。比後夫既濟。

見於三者。

屯六三往吝。巽九三頻巽。

見於初者。

豫初六鳴。

豫旅初六瑣瑣。

言窮。又言災者。復旅无妄及此也。復以迷旅以

瑣。柔之過也。則狹隘。乾以亢極无妄以匪正。剛之過也。則剛愎。剛爲天德。猶不犯時。而況於人乎。此韓彭蒯醢。陽處父見殺。故王伯厚猶有取於蔡澤也。故災有必避者。大畜有厲利己不犯災也。有不避者。行人得牛邑人災也。其敢亢以致災乎。

乾元用九。天下治也。

詩所謂不競不絀。不剛不柔。敷政優優。百祿是道。是也。

潛龍勿用。陽氣潛藏。

此以天道驗人事也。陽氣且潛藏。況於人也。是又震體。澤中雷。君子嚮晦而息。雷在地中。先王閉關不行。潛而勿用。順天道也。

見龍在田。天下文明。

時雖舍而君德已具。天下文明。由是啓也。孔子以之。此爻動而爲離。六二爲同人。文明以健。惟君子能通天下之志。

終日乾乾。與時偕行。

上言事。此言時。實无事。无時而不乾。乾也。天時行而无息。君子與時偕行而不息。非日夕乾惕能之乎。

或躍在淵。乾道乃革。

革去故也。乾道變化。去故更新。順其自然。在爻則由下而上。在人則由退而進。乾道至是乃革也。

飛龍在天。乃位乎天德。

位乎天位者。王道之隆。位乎天德者。帝治之盛。天位則有法。有象。天德則無聲無臭也。

亢龍有悔。與時偕極。

惕則與時偕行。亢則與時偕極。

乾元用九。乃見天則。

天之剛者。剛而濟之以柔。健而行之以順。惟乾元用九。

乾元者始而亨者也利貞者性情也

見之文言傳訓用九必言乾元知用九非徒六爻皆變之謂於乾之始已然也。謙六四不違則撝謙而不過也同人九四困而反則既困而知其過也。蠱上九志可則不事王侯之則也。明夷六二順以則人臣事君之則也。震之後有則動而之靜之則也。明夷上六之失則不明而晦陰柔不知其過也。凡言則者无過不及之謂。

此一節申言乾元統天之義乾元者元氣渾然太和保合卽其始而亨通之理已具由是各得其宜各得其正然則利貞之根乎元猶人之情根乎性也蓋元者春氣也而夏之發生秋冬之收藏已具足故人之有性藏於中而爲天下之大本發於外而爲天下之達道此惻隱

辭讓羞惡是非之各有其端而喜怒哀樂之各正其情也。苟非元也。何以於其始而知其亨。知其无不利。无不正也。苟非性也。何由得其情之順以正也。王輔嗣曰。我不爲元。何以通於其始。不性其情。何能久行其正。最道得好。

乾始能以美利利天下。不言所利。大矣哉。

承上節而申贊乾元也。美利者。自然而然之利。乾元始萬物而利天下。自然而時行物生。不言所利。論語天何言之意。大矣哉。富有日新也。蓋天不言而歲功成。天命之於穆也。帝不言而治功成。帝載之無聲也。孔子無言。

之教。聖人之身。渾然天理。其發見莫非妙道精義之所存。心善無心。情順無情。此其所以爲大也。又按乾不言所利。坤不習无不利一也。然坤猶曰利牝馬之貞。是猶有迹之可言。此坤之所以從乾。而乾之所以統坤也。

大哉乾乎。剛健中正。純粹精也。六爻發揮。旁通情也。

上節大矣哉。美其業。此節大哉。美其德。剛者堅強不撓。惟剛故健而不息。中而不偏。正而不倚也。剛統健中正。猶元統亨利。貞也。乾有是四德。純而和。無乖戾也。粹而溫。無駁雜也。此剛柔相生。陰陽合德。精則神矣。所謂二五之精妙乎萬物者。九五足以當之。而六爻俱發揮。

此理發者由中以達外。揮者由此而達彼。言潛見飛躍。時而致惕。極而不亢。無非發揮剛健中正純粹以精之德也。旁通情者。不獨六爻爲然。凡六十四卦三百八十四爻。俱引伸觸類而旁通矣。

時乘六龍以御天也。雲行雨施天下平也。

彖傳乘六龍以龍德之變化。言此言乘六龍以龍德之精微。言聖人備剛健中正純粹以精之德。一天德也。陰陽調和。雲行雨施。一天澤也。

君子以成德爲行。日可見之行也。潛之爲言也。隱而未見。行而未成。是以君子弗用也。

德蘊於心。行見於事。德之未成。知者見知。仁者見仁。成德者。知周道。濟安土。而敦德成而行。亦成也。日可見諸行者。隱居以求。卽行。義以達。而潛之爲義。猶隱居也。迹檢身。不及望道。未見之心。自以爲行而未成。有待於下節學問。寬仁之事。是以君子弗用者。卽吾斯之未能信也。

君子學以聚之。問以辨之。寬以居之。仁以行之。易曰。見龍在田。利見大人。君德也。

學聚問辨。明善之事。寬居仁行。篤行之事。學聚元善之理。得問辨精微之理。通寬裕漸其功。寬宏大其量。居之

安也。仁無私意。蔽仁無私欲。累行之熟也。未見則君子見則君德也。

九三。重剛而不中。上不在天。下不在田。故乾乾因其時而惕。雖危无咎矣。

此申言乾惕之義。三四皆言重剛。以乾接乾也。重剛謂

過乎剛。卽不中也。

重剛上下乾重險上下坎重巽上下巽義同

若謂三四位

非二五俱不得中。何以復之。四曰中行。益之。三四俱曰

中行。義不取乎爻位明矣。三固居上位而不驕者。然上

不在飛龍之天。在下位而不憂者。然下不在見龍之田。

乾乾因時而惕者。以剛過不中也。乾惕若是。雖危何咎。

乎。

九四重剛而不中。上不在天。下不在田。中不在人。故或之。

或之者疑之也。故无咎。

此申言上下无常及或字之義。上无常而上不在天下。无常而下不在田。上下不在則在中矣。中者上下之交。進退之際不在人者。明非人力所能致也。故申明或字。義或者疑也。不以人決遲疑。審慎以待時。故无咎也。

不必疑者。有必疑者。有疑而敗。有疑而成者。敬以直內。

有易

義以方外。則不疑於其所行。上下无常。進退无恆。則必

疑於其所往。月幾望有所疑。辭臣疑於君也。終日戒有

所疑。漸安疑其危也。肥遯无所疑。當遯而遯也。升虛邑

无所疑。當升而升也。巽之進退志疑。以武人之貞決之。

豐以閭致疑疾。以有孚發志決之。損以三人而疑。以致

一決之坤上六龍戰而疑生陰疑於陽也。睽上九遇雨而疑亡陽和於陰也。○按此二節若以爻位言不特九四重字疑衍卽兩節上下中亦說不去以三畫言則初四地二五人三上天以六畫卦言則初二地三四人五上天如是則三非不在天四非不在田不在人矣。先儒解說多窒礙竊疑申言爻義非以爻位言也。

夫大人者與天地合其德與日月合其明與四時合其序與鬼神合其吉凶先天而天弗違後天而奉天時天且弗違而況於人乎況於鬼神乎

乾坤者易之體坎離者易之用四時之序八卦之流行

也。齊明。鬼神之吉凶六十四卦三百八十四爻之

吉凶悔吝也。先天後天。全易之義也。九五一爻備其義。

大人足以當之。合德者。合天地易簡之德也。即天得一以清地得一

一以寧聖人得一以爲天下貞合明者。合日月之貞明代明也。明出地上君子

自昭明德明入地中君子用晦而明明兩作大合德合

人繼明以照小畜歸妹中孚之月幾望詳總論明體用无常位。周流行六虛。生生之謂易。播之爲萬殊。

合序者。合四時陰陽流行之序也。天地順動而四時不忒聖人順動而四時不

而民服觀天神道而四時不忒聖人神道設教而天下服文明以說。大亨以正。各四時之革。當時以節。中正以

通各四時參同契曰。賞罰應春秋。昏明順寒暑。爻辭有

之節也仁義隨時發。喜怒如是應。四時五行得其理。按漢儒用易六十四

卦除乾坤坎離不用。所謂无常位。行六虛也。餘六十卦。即一月言。每日二卦。朔旦屯。暮蒙。晦則既濟。未濟。每日十二時。以二卦十二爻配之。即一歲言。每卦值六日七分。亦自屯蒙以至既濟。未濟。終而復始。則四時備。此雖非大人自然合序之旨。學者求合序以寡過。不可廢也。合吉凶者。大人之遏惡揚善。即鬼神之福善禍淫也。

謙則合鬼神。害盈福謙。豐則合鬼神。盈虛消息。凡易中言

吉凶。俱是合鬼神。註總論先天弗違者。天未有是而先天為之。天弗

違其理。伏羲先天之易。以前民用是也。後天而奉者。天既有是而後天奉之。已不失乎時。文王後天之易。吉凶與民同患是也。天且弗違。理之一也。推行通變。皆理所出。人與鬼神亦一理也。能違之乎。二語與豐同。此以一理之主宰言。豐以一理之消長言也。

亢之爲言也。知進而不知退。知存而不知亡。知得而不知喪。

進退存亡得喪自然之理也。進中有退。退中有進。存中有亡。亡中有存。得中有喪。喪中有得。而易之理以退爲進。以亡爲存。以喪爲得。居多不知此者。一念之亢爲之也。朱瞿唐謂亢旣稱龍。亢字不宜說壞。非也。作聖作狂。克念罔念之分。詳總論卽小人不知天命而不畏也。可勿謹哉。

其惟聖人乎。知進退存亡而不失其正者。其惟聖人乎。

首句其惟聖人。漢易有作其惟愚人。屬上節不必從聖。

人。卽九五大人也。聖人知微知彰。知柔知剛。故知進退。存亡不失其正。而潛見躍飛。必以其時。惕而不至亢也。易爻例多有以上爻足五爻者。如小畜履泰之類。此則反足者也。如復或以爲此節並用九釋之。言剛而能柔。不過乎剛。所以知進退存亡也。亦得終之以正。卽貞下起元之義。末句深贊之。苟非其人。道不虛行也。

三三三 坤上
三三三 坤下

坤元亨利牝馬之貞。君子有攸往。先迷後得主。利西南得朋。東北喪朋。安貞吉。

有乾卽有坤。猶天地夫婦君臣大體小體之相需也。上

坤下坤六互皆坤。初二三四互坤。二三四互坤。五上初互坤。五上初二

互坤。上初則順而又順也。坤德順順必從健。坤爲地。地

必從天。坤爲婦。婦必從夫。坤爲臣。臣必從君也。坤元者。

稟乾之元。以爲元。卽合乾之亨。以爲亨也。利牝馬之貞。

者。明其從乾。以爲利貞也。乾爲馬。坤爲牛。不曰牝牛。曰

牝馬。雖從乾。仍坤義也。離畜牝牛。明而濟之以剛。以下卽人道申

周易卷十 賁花盒

明利牝馬之義。君子有攸往。統上下言。先迷後得主。居

先則迷。居後則得主。猶坤不從乾。陰不從陽。婦不從夫。臣不從君。小體不從大體。趨坤從

乾。陰從陽。婦從夫。臣從君。利西南得朋。東北喪朋者。謂

小體從大體則得主矣。從陽則利。得朋從陰則利。喪朋也。按先儒之立說。多以

語。謂西南致養之方。兌離巽坤之朋也。東北生成之方。

坎艮乾震。非其朋也。審是則以得柔為得朋。以得剛為

喪朋。無乃失坤從乾之義耶。且以得柔為得朋。無乃與

陰為類。而朋黨相比耶。按易言朋皆以剛為朋也。復言

朋來。謂初剛也。豫朋盍簪。謂四剛也。解朋至斯。謂二

剛也。蹇大蹇朋來。謂五剛也。兌朋友講習。謂初二四五

也。此得朋之說也。泰二應五。柔貴朋亡。此東北陰方貴

喪朋。此喪朋之說也。虞仲翔之論得之矣。謂陽生月三

日而成震。出庚至月八日成兌。出下庚西。下南。故西南

得朋。兌君子以朋友講習。文言曰。敬義立而德不孤。豕

曰。乃與類行。謂震一陽。兌二陽為朋也。二十九日消乙

入坤。滅藏於癸乙東。癸北。故東北喪朋。以坤滅乾。坤為

喪故也。按此本納甲之法。謂月初三。明出庚方。庚方者。西方也。震納庚。震爲哉。明一陽生也。初八。日月明見。丁方。丁方者南方也。兌納丁。兌爲上弦。二陽長也。此候以初昏而恰當所納之候。是陰以得陽爲朋也。二十。九日消乙入坤。乙東方也。滅藏於癸。癸北方也。坤納乙。癸。坤爲晦。盡三陰成也。此候以平明而恰當所納之位。是陰以无陽爲喪朋也。晦盡至初三。陽復生。故彖曰。乃安貞。終有慶。此納甲盈虛消息之理。與此正相發明。安貞吉者。雖從陽。仍以安靜貞正而吉也。

彖曰。至哉坤元。萬物資生。乃順承天。

此以地道明坤元也。至致也。天氣所至。地氣必至焉。无間斷。无欠缺也。坤稟乾元以爲元。故乾資始而坤資生。順承乎天而已。

坤厚載物。德合无疆。含宏光大。品物咸亨。

乾高明覆物。坤博厚載物。坤德之順。合乾德之健。坤德之簡。合乾德之易。同此不貳也。故曰德合无疆。含宏光大。不見而章也。含涵蓄也。宏寬廣也。坤德之存於中也。光顯著也。大溥徧也。坤德之發於外也。惟含故光。惟宏故大。惟光大愈見含宏也。乾以氣言。故曰雲行雨施。品物流形。坤以體言。故曰含宏光大。品物咸亨。此釋坤之亨也。

牝馬地類。行地无疆。柔順利貞。君子攸行。

乾爲馬。牝陰物。牝馬則順而健。與地承天爲類也。故行也。尔无疆。柔順者坤德也。利貞則柔中有剛。順中有健。

攸往咸宜。措施皆正。君子之所行也。按易乾取於龍。坤取於馬。龍以動行。天馬以靜行。地龍猶心也。心之變化如飛潛見躍。不一其時。馬猶身也。身之踐履。亦西南東北。不一其地。故養吾心之龍。必制毒。龍養吾身之馬。必去害。馬此時惕戒。亢君子所以治心。柔順利貞。君子所以治身也。

先迷失道。後順得常。西南得朋。乃與類行。東北喪朋。乃終有慶。

先迷則失陰。從陽之道。後順則得陰。從陽之常。乃與類行者。從陽也。

謂得震一陽兌二陽爲類。震西方兌南方也。

乃終有慶者。陰仍

從陽也

喪朋雖以坤滅乾東北乙癸也然陽終復生月三日復出庚則得震一陽矣

程子所

謂陰必從陽然後乃終有慶也

安貞之吉應地无疆

孔穎達曰安謂安靜貞謂貞正地體安靜而貞正人能

安靜而貞正則得其吉愚謂安則自然而靜貞則正而

有常此君子之應地也

言无疆者三德合无疆坤德合乾訴合而无疆也行地无疆順

而健行廣博而无疆也應地无疆安而常正悠久而无疆也

象曰地勢坤君子以厚德載物

虞仲翔曰勢力也蓋上坤下坤合而為坤是力之最厚者故坤厚載物君子在上深仁厚澤載民物於康久在

下安土敦仁載老少於安懷

初六履霜堅冰至

坤十月之卦也十月水始冰九月肅霜而知堅冰之至

惟履者知之也

君子於履謹之如霜畏之如虎踐履慎於素履錯持以敬也

坤初六

姤也五月陰已生履霜剝也九月而陰愈盛聖人於姤

著金柅之繫於剝謹貫魚之寵不待履霜爲之戒堅冰

爲之悔也

象曰履霜堅冰陰始凝也馴致其道至堅冰也

本義解爻辭曰陰陽者造化之本不能相無而消長有常亦非人所能損益然陽主生陰主殺則其類有淑慝

之分。故聖人作易。於其不能相无者。旣以仁義健順之屬明之。而無所偏主。至其消長之際。淑慝之分。則未嘗不致其扶陽抑陰之意也。蓋不能相无者。如孤陰不生。獨陽不長。秋冬之斂藏不固。則春夏之生長不遂。如國有君不可無臣。家不可有父而无子。有夫而无婦。身不可有大體而无小體。心不能有道心而无人心。而致其扶陽抑陰之意者。則陰不能干陽。陽主伸。陰主屈。君令其臣。父令其子。夫令其婦。大體役小體。人心聽命於道心。而不使之下陵上替。小加大淫。破義縱敗。度欲敗禮也。凝聚也。成也。馴狎也。習也。致如致寇之致。謂自我致。

之也。謂習之不謹。至聚而成。其勢悔之晚矣。誰之咎與。狎而習之。我致之也。卽履霜堅冰。立象盡意。國家身心。無二理也。

六二直方大。不習无不利。

直其性也。方其情也。大統性情言。不習无不利。言自然而然。不待學習。无不各得其宜也。六二柔順中正。備地道之全德。故其辭如此。蓋生理本直。天地之性也。惟直故方。方正也。惟直方故大。正大而天地之情可見矣。大舜從欲而治。無爲而成。孔子從心所欲。不勉而中。何待於習耶。未至於聖。則貴於習。習坎而出重險。講習而資。

麗澤學習乎。時教習乎。事无不習也。至不習而聖希天矣。

象曰。六二之動。直以方也。不習无不利。地道光也。

六二之直。方不可見於動。見之直以方者。由性以達其情。由直以行其方也。如草木之初生。甲坼无不直。其實也。實方。詩曰。實方實苞。人之生也直。有不直其發必毀。方爲圓。直失而方必失也。地道光者。自然而然。卽含宏者。其體光大者。其發也。言光者始於坤。終於未濟。

六三。含章可貞。或從王事。无成有終。

二五居坤之中。得坤之德。三居下卦之上。得坤之用。至

上則極矣。故二五皆得元亨利牝馬之義。三則得後得主之義。含章可貞者。卽詩衣錦尙絅也。內含文章。守以貞正。或者因乎時從者。得其主。戴君如天。故王事之成。不敢專視。國猶家。故王事之終不少懈。此日无成。不以寵利居成功之成也。訟三曰无成。監於先王成憲之成也。成功不居。成見不執也。

象曰含章可貞以時發也或從王事知光大也

以時發者。明非終於含德則闇然而章。事則相時而動。積中發外。有固然者。知光大者。知藏於乾之貞固而著於坤之柔順光明。則萬物相見而无私正大。則知周萬物而不過此。周公之明光上下勤施四方也。

六四。括囊。无咎。无譽。

自初至四。卽臨所謂八月有凶者。觀也。觀六四曰。觀國之光。利用賓於王。相反實相足。蓋憂則違之。象括囊焉。不多言。以取咎。不違道。以干譽。樂則行之。利用賓焉。不却幣。以鳴高。不爲身。而忘國。囊象坤載。括取斂藏。本義云。或事當謹密。或時當隱遯。是也。无咎。无譽。與大過九五辭同義異。

象曰。括囊无咎。慎不害也。

慎言慎行。處亂世而害不及也。需九三。寇雖至而敬慎。不敗節之初。事害成故。慎密不出。慎之爲義。隨地咸宜。苟不慎。則有害。此鈎黨見害於漢。東林見害於明也。渙其血。以遠害。不係乎利祿之私。括其囊。

而不害不罹乎衰亂之咎

六五黃裳元吉

程子羿莽媧武非常之變。折中駁之。干寶成昭之主。周
霍之臣。伯厚取之。本義獨取子服惠伯對南蒯之說。爲
占者言。則統尊卑上下也。愚謂僅爲占者言。不占不知。
黃裳元吉之義矣。尤在觀象玩辭於平日也。黃中色裳。
下服。元善長。禮之則也。六五坤順得中。黃忠信之質也。
裳自下之文也。文質得宜。禮之至善也。論語朱子註曰。
內主忠信。而所行合宜。審於接物。而卑以自牧。皆自修
於內。不求人知。然邦家之必達在此。所謂元吉也。苟平

日不忠信。自下。即占之。果得元吉乎。

此六五也。凡六皆有利。永貞之義。此

其顯也。凡言元吉者。十有四。皆居理之勝。不徒見之事也。

苟非黃則不得中。而誕僭非裳則不自下而傲慢。取禍必矣。亦以理決。

象曰：黃裳元吉。文在中也。

土。周五行。信。周五常。黃。周五色。五色備。謂之文。言黃則

五色備矣。經緯備。謂之文。言裳則經緯備矣。黃得中而

裳自下。則文之在中也。在中者。不求乎外。亦必見乎外。

上六：龍戰于野。其血玄黃。

張文饒曰：陽雖生於子。實兆於亥。陰雖生於午。實兆於

巳。孔正義於賁彖傳曰：四月純陽。陰在其中。十月純陰。

陽在其中。不俟五月姤而始知陰生。十一月復而始知陽生。乾四月之卦陰已伏矣。上爻言亢龍不言陰。戰坤十月之卦陽已伏矣。上爻不言亢陰言龍戰。此亦聖人扶陽抑陰之意。龍陽也。戰勝也。野。坤土之大者。爾雅郊牧。牧外謂之野。元天色黃。地色血。陰也。凡陰陽之道交則相順。不交則相爭。君臣夫婦理欲皆然。上六陰極矣。言龍戰者。陽特分一體與之戰。卽震也。勝之於野。人所共見之地。言血陽之必勝也。先立後黃。陽必入陰。若相雜而實不相亂也。在天地則陽必戰。陰在人則君必勝。臣夫必勝。婦理必勝。欲也。

象曰。龍戰于野。其道窮也。

陰盛而至於窮。陽必與之戰。是自取也。張芸叟曰。易者極深而研幾。當潛而勿用之時。必知有亢。當履霜之時。必知有戰。故君子慎微至窮已無及矣。此與比之後夫既濟之終止。皆曰其道窮。豈待後與終而後知哉。於自棄乎顯比。自恃乎既濟之念。決之矣。

用六。利永貞。

著策六爻皆老陰。則變爲少陽。是能以陰從陽。宜永守其正。如臣之從君。不以阿諛爲從。而以陳善閉邪爲從。婦之從夫。不以阿曲爲從。而以貞靜純一爲從也。在本

卦卽利牝馬之貞安貞吉之義在一百九十二陰爻皆

有利永貞之義南蒯筮黃裳元吉以爲大吉反不吉者未永貞也詳見乾用九爻艮初六亦曰

利永貞此專就艮趾言義稍狹此則所包者大也

象曰用六永貞以大終也

陽爲大陰爲小以大終者從陽而終其事卽无成有終

之意也用九曰无首陽濟以陰用六曰大終陰濟以陽

也陰陽相濟天地之大德也

文言曰坤至柔而動也剛至靜而德方

此釋元亨利牝馬之貞坤至柔而動剛由體而達諸用

故曰動初動成自元而亨也卽顯諸仁也至靜而德方

由用而歸諸體故曰德自利而貞也卽藏諸用也以靜之翕爲動之闢動之闢無非靜之翕卽貞下起元之義苟柔而不剛則陰不從陽而生機不遂靜而不方則陰不斂陽而生理必失惟柔而剛則陰從陽其動也淳然而生沛然莫禦惟靜而方則陰斂陽其德也各完其性各正其命而生生不窮矣柔而不剛者老氏之學也靜而不方者釋氏之學也剛柔並濟陰陽合德柔而立溫而厲恭而安聖人之德也

後得主而有常

此釋先迷後主之義

君子攸行意在其內

居後而得陽以爲主則

居先而迷可知矣。有常者萬古不易。四方可行。如子之從父。臣之從君。婦之從夫。小體之從大體。皆得主也。卽有常也。

含萬物而化光。

此釋西南得朋東北喪朋之義。坤主藏故含。得朋陰含陽。喪朋陰生陽。此萬物之化所由光大也。天之生萬物。自東而南而西而北。如出震齊巽見離役坤說兌戰乾勞坎成艮。地之含萬物。自西而南而東而北。蓋天氣左旋地氣右轉。地含天氣而萬物化光。猶天氣下降地氣上騰。天地交而萬物通也。

坤道其順乎。承天而時行。

此釋安貞吉。并贊坤元也。地氣自下而上。地氣自右而左。似逆也。正順受乎天。安貞之至。逆無非順也。承天時行者。天氣之溫暑肅寒。卽地氣之生長收藏。順則與天合德。承則與天合用也。

積善之家。必有餘慶。積不善之家。必有餘殃。臣弑其君。子弑其父。非一朝一夕之故。其所由來者漸矣。由辨之不早辨也。易曰。履霜。堅冰至。蓋言順也。

積善成名。積惡滅身。爲治身言也。上九。積善餘慶。積不善餘殃。爲治家言也。刑罰積而民怨惡。禮義積而民和。

親

賈誼治安策

身家國無二理也。積固有其漸。辨貴及乎早。

解

曰。風。豫曰介。賈誼曰。審取舍。周子所謂幾。張子所謂豫。皆是也。

亂臣賊子。釀成大殃。

非獨臣子之罪也。君父有責焉。

高宗不能制武后。中聖宗不能制章后。一也。

人於姤著金柅之繫。於此著履霜之戒。早之不辨。因循

習慣。蓋言順其勢。以致之。俟堅冰之至。已無及矣。早辨

非清心寡欲。明而斷者。不能。

直其正也。方其義也。君子敬以直內。義以方外。敬義立而

德不孤。直方大。不習。无不利。則不疑其所行也。

直其正。不正失其所謂直。无以存乎性之體。方其義。不

義失其所謂方。无以善乎情之順。是知直也者。本其心。

之正也。方也者，由其事之義也。故君子之學，敬以存其性之直於內。敬者戒謹恐懼省察之謂，非徒主一無適。而心之所存，所發無非正者，所謂直也。義以達其情之方於外。裁制合宜之謂義。而治己治人，無非義者，所謂方也。如繫矩而上下，四旁均齊方正。敬立而德存於中，義立而德施於外，不孤者大也。敬義之進德，即成湯之制心制事。丹書之敬勝義勝，主忠信，徙義以崇德，居敬行恕，以為仁也。心之无偽妄為忠，信心之無怠慢為敬，事之推己度人為恕，實一理也。大則仁知勇之德，備不習无己律人為義。不利大而化也，不疑其所行，即不憂不惑不懼也。又按李安溪曰：敬而无義，猶程子所譏佛氏之學是也。然非直不能成方。如申韓引繩墨切事情，而卒流於偏。

曲故敬者義之本也。愚謂佛氏固失其義，亦失其所謂。敬。敬貴能存，尤貴能發。發而當如孤臣思君，別婦思夫。思不入邪，所謂敬也。佛氏寂守此心，如槁木、死灰，卽妄念不生，非聖人敬以作所也。申韓固失其直，亦失其所謂。義。義以律人，尤以律己。如行大道，人由之，己亦由之，不能推己度人，惟以繩墨馭世，非聖人之義。正天下也，蓋其所論敬義本末，則是而以佛氏爲敬，固非申韓近義猶未的也。

陰雖有美，含之以從王事，弗敢成也。地道也，妻道也，臣道也。地道无成而代有終也。

陰之美卽章也。含宏光大也。含之以從王事。猶臣之從君。經綸雖美。委任雖專。弗敢專其成。書所謂臣無有作福。作威。玉食。罔以寵利居成功也。地道則陽唱而陰和。妻道則夫唱而婦隨。臣道則君令而臣行。末言地道无成。而代天有終。地道且然。况於臣道乎。况於妻道乎。天地變化。草木蕃。天地閉。賢人隱。易曰。括囊无咎。无譽。蓋言謹也。

天地交。三陽成。泰。而萬物通。四陽大壯。而天地之情見。卽草木蕃也。天地不交。三陰成。否。君子儉德。辟難。四陰觀。卽八月有凶。賢人隱也。而觀之六四。觀光用賓。雖扶。

陽抑陰義各有取而撥亂世反之正實賴有人可隱而
隱可見而見此孔孟之周流仍不失乎謹也

君子黃中通理正位居體美在其中而暢於四支發於事
業美之至也

言黃又言中明中德之在於內也中者天下之大本立
天下之大本而千變萬化俱由此出措則正施則行明
而通公而溥則通理也人心不中則心偏而倚而有所
蔽中不存於內則神散而亂而有所虧則不能通天下
之理矣正位居體明恭順之著於身也禮者天下之正
位立天下之正位而動容周旋無不中節和而至謙而

光卑以牧。居而安。如裳之在下體也。蓋人身不正。則容貌暴慢。而卽於匪僻。正而不居。於安不能恭。以存其位也。中順恭敬之美。久積於中。粹而益背。而暢於四支。天地。位萬物育而發於事業。美之至也。篤恭而天下平也。陰疑於陽。必戰。爲其嫌於无陽也。故稱龍焉。猶未離其類也。故稱血焉。夫玄黃者。天地之雜也。天玄而地黃。陰疑於陽。臣道妻道所當戒也。陰疑於陽。陽必與之戰。而勝之。爲嫌。臣與妻心目中。無君與夫也。故稱龍焉。龍陽之震動而變化。所以勝之也。陰猶恃其類之盛也。故稱血焉。血陰之積聚穢濁。所以鄙之也。天地之雜者。陰

陽激薄如玄黃相雜焉。經文言其血而不言氣言陰傷而陽无損也。及陽勝陰也則陽上陰下。天玄地黃此三綱所以終天地古今而莫易也。

按陰必從陽。元亨利牝馬之貞一語盡之矣。先迷後得。得朋喪朋。申從陽不從陽之得失也。二與五皆得中。發明以陰從陽之德。二言直敬以直內。言方義以方外。五言黃黃中通理。言裳正位居體。以心無怠慢謂之敬。心無偏倚謂之中。行而合宜之謂義。行而皆正之謂禮。其實一也。乾言誠言忠信。卽坤之言敬言黃中也。乾之言行信謹。修辭閑邪。卽坤之方外居體也。乾言正中。卽坤

之言正位。坤之德皆從乾也。三之含章。彖傳含宏光大。含此也。无成有終。卽從乾之義。初四上則言陰陽消長。總歸於從陽。初一陰生而謹履。霜。四四陰盛而戒括囊。上六陰極而書龍戰。坤十月之卦而陽已根矣。故用六以大終。大卽陽也。此卦旁及於履於漸於離。其取象通於乾。爲馬爲君於震。爲龍爲蕃鮮。總以明從乾之義。

三三 坎上 震下

屯元亨利貞勿用有攸往利建侯

玄黃既判陰陽始交而震生再交而坎生震遇乎坎險之象也雲上而雷行於下天氣之屯也情結而氣屈於外人事之屯也初生而命難保人命之屯也人初生而七日一限十二日一屯者難也而不終於難後當解也觀互卦可知詳總論元亨利貞乾備四德天也坤備四德地也屯備四德人也其餘備四德者隨臨无妄革義自別詳總論非備四德之人不可以濟屯非可以用四德之時不可以濟屯故曰勿用有攸往非不往也求則往勿自用而已利建侯

者伏羲神農所以啓文也。商湯周武所以致太平也。乾天也。坤地也。屯君也。謂之三才。

彖曰屯剛柔始交而難生。

釋卦名。剛柔不交則否。初交則難生而未泰。人生未有不始於憂患者也。故曰作易者其有憂患乎。

動乎險中大亨貞。

此以卦德釋元亨利貞也。震德動故能出坎之險。而大亨以正蓋震動則不繫於物不溺於私而施行措正若陰柔不振而欲出險難矣。彖傳訓元字有訓善者如大有蠱鼎是也有訓大者此及隨臨无妄升革是也。惟訓

乾元而善大始三義皆備坤元卽統於乾元蓋天地間止一元諸卦特分其一體耳此不言利利在其中省文也如隨臨无妄革亦然。

雷雨之動滿盈。

虞仲翔盈作形今從之

此天地之屯而大亨貞也。當屯之時。上坎爲雲。所謂瞿瞍其陰。虺虺其雷也。屯旣亨矣。下坎爲雨。卽雷雨作而百果草木皆甲坼也。故互卦終於解此震坎爲天施地生之功。用而品物流形。滿於天地之間矣。

天造草昧。宜建侯而不寧。

天造者天之氣數。草昧者冥昧不明之貌。如春將暖而。

未暖必陽盛而後暖。天將曉而未曉。必日出而始曉。時將治而未治。必得君而後治。故曰宜建侯。又曰不寧者。卽申勿用有攸往之義。不自用而兢兢業業。不敢康寧也。此聖人昧爽丕顯。天君爲主。百體從令。不自暇逸之意。

象曰。雲雷屯。君子以經綸。

雲雷相薄。膏澤未下。屯也。君子法之。經之。而天秩天敘。各正其性命。綸之。而有惇。有庸。保合乎太和。經如雷聲。聞次第。綸如雲布。濩沖融。所以亨屯也。

初九。磐桓。利居貞。利建侯。

王輔嗣曰。處屯之初。動則難生。不可以進。故磐桓也。

磐桓

不進貌。六爻皆有勿用。有攸往。義以磐桓。訓柱石非。

靜以制動也。居貞者。至公无私。辭嚴義正。正以息邪也。

屯難之世。人心動而思靜。去邪從正。利建侯者。息天下

之妄動。正天下之不正也。初爲震主。長子主器。建侯之

象。天下之所歸也。卦則動而出險。爻則不可妄動。此意

當細看。在不寧二字中

象曰。雖磐桓。志行正也。以貴下賤。大得民也。

磐桓不進。則疑於滯。故曰雖磐桓。志行正也。居存諸心。

行見諸事。居者行之本。行者居之用。用根諸本。故曰志

志正而行自正也。

並居貞而釋之。

陽貴陰賤以初陽之貴下二

三四陰之賤故大得民也。陰爲民。

此二之字三之幾四之往也。

范文

正曰在屯之初九陽德方亨而能以貴下賤大得民也。

光武以之。

觀此則未瞿唐以郭子儀當之悞矣蓋先儒多牽於五爲君位之說遂分主卦之主成卦

之主民五三王二君一民天下卽亂一卦三主卦義卽亂凡卦主在五居多乾五位乎天德履五位乎天位其餘如屯以初坤以二謙以三豫以四頤以上觀乎卦材不得以一體例論易也

六二屯如遭如乘馬班如匪寇婚媾女子貞不字十年乃字。

以六居二陰柔之才也。當屯欲濟屯。遭迴不決。

子夏傳謂班如

牽連不進貌。

蓋與初並起而才力不及乘馬不進始疑初之

爲冠終知初爲婚媾也。

馬季長曰：重婚曰媾。

冠則相敵，媾則相親。

二始欲乘之以柔，敵剛後則親之以柔，從剛也。

先儒多以婚媾

斥五孔子象傳無此義。

六二柔順中正，安於女子守貞，不字者非

不字也。有所待也。本義引禮曰：女子許嫁笄而字，謂待

初以禮致之，十年乃字。十者數之終，謂原始要終而後

從初也。

卽勿用有攸往之義。

陳嬰、王陵之從漢，高竇融之從光武，

是也。

象曰：六二之難乘，剛也；十年乃字，反常也。

屯遘而不能進，難也，致難之由。欲以己之柔乘初之剛，角才智勇力不能勝，所以難也。難不在人而在己，反常者。

反復乎以柔從剛以陰從陽之常理弗敢乘也。按爻言乘剛者

五屯二豫五噬嗑二困三震二屯難字以十年震喪得

以七日豫貞疾而獲生噬嗑滅鼻而除惡皆乘震剛而

二五得中故先難後易困三不中不正而乘坎剛故困

石據藜以至凶也歸妹彖柔乘剛也其彖柔乘五剛也

其義自別

六三卽鹿无虞惟入于林中君子幾不如舍往吝。

三不中正與初非應非比故有卽鹿无虞之象卽鹿猶

言逐鹿虞山虞澤虞林中蒙翳不見茅塞不行逐鹿中

原而自恃无人指示智則自驅於網罟勇則自蹈於死

亡君子見幾得主而後濟屯否則舍之苟操无虞之見

以往自取吝耳吝不通也。不知勿用有。此項籍李密之

攸往之義。

流也

象曰卽鹿无虞以從禽也君子舍之往吝窮也

從禽者利令智昏恃勇取敗窮甚於吝也乾上九窮之災坤上六其

道窮此日往吝窮明天道地道人道皆不可窮爲窮極不知反者戒

六四乘馬班如求婚媾往吉无不利

四與初正應乘馬以濟屯復班如而不進初求之如婚

媾禮以致之恩以結之往吉无不利者策其往而經綸

可展卦以勿用有攸往爲義此曰往吉往不往非達時

中者未易幾按求婚媾人求我也求王明者我求人也人求我者誠求之求我求人者不求之求

推之童蒙求我人求我也旁求俊乂我求人也觀其所求而萬物公私之情見矣此爻多以四

求初者義非可觀象傳

象曰求而往明也

明則能擇主乘時知求而往之為明則知求而不往之為固不求而往之為汙也此伊葛之應聘也

九五屯其膏小貞吉大貞凶

九居五能亨屯者惟初陽在下已得民五擁虛位居坎體陽陷陰中非震動之才故有此象膏雨澤也為雲澤

未下降則屯也小貞吉者制節謹度之事得正則吉如

奢示儉國儉示禮刑新大貞凶者國本危疑之事雖正

亦凶才不足以定亂而征伐四夷如唐高祖立建成不識不足以達權而徒拘古法

知得天下在世民如初之建侯昧此義卒至宮門喋血。

凶孰甚焉。小過可小事不可大專在己德之剛柔此小貞吉大貞凶在所處之時位。

象曰屯其膏施未光也。

施未光者非無施濟之心而無光照之澤時爲之也。晉

九伐邑而道未光夫九五近上而中未光萃九五有位志未光皆有所私也此施未光心公而施未逮。

上六乘馬班如泣血漣如。

上二四皆陰居陰同往濟屯皆有乘馬班如欲進不進之象。然四應初義取速往二比初義期待時上與初非應。非比欲速不能欲待不得居極位而陰柔不振泣血漣如而已無聲出涕曰泣血漣泣貌私憂無益也。

象曰。泣血漣如。何可長也。

何可長者。言不可長如此也。柔而振。以剛昏而濟。以明何屯之不亨乎。齊景公魯哀公是也。

按屯之義。非建侯而備震德者。不足濟屯。五非震動。雖處正位。尚宜小不宜大。惟初爲震主。動乎險以出。險否則勿用。有攸往而已。非不往也。二則待時而往。四則待求而往。故二不失其常。四不失其明。三不宜往而往。終至於窮上欲往而不能往。終至於泣。非君子孰能審用舍之幾。以展其經綸哉。

三三 坎下 艮上

貞。蒙亨。匪我求童蒙。童蒙求我。初筮告再三瀆瀆則不告利。

屯作之君。蒙作之師。故乾坤之後繼以屯蒙。蒙者下卦陽陷陰中。上卦陽止陰上。自上而下則止而畏險不前。自下而上則險而自止不進。蒙之義也。艮山下出坎水。崎嶇而未至海。蒙之象也。如人之初生必蒙。如始生徒能言。見不能視。聞不能聽。心不能思。蒙有亨道焉。不終蒙也。至能言能視能聽能思則亨矣。蒙也。坎象爲通。匪我求童蒙二句。禮聞來學不聞往教。觀其誠也不入門求我者。固不能強其殷殷向道之心。

卽入門而非誠求我者亦無以施其循循善誘之術。初筮告再三瀆則不告者此假筮者以明之初筮則誠意專一以交於神明其受命也如響如神之告之也彼則專心致志我則大應小鳴。比取原筮意在周詳。瀆亂也。蒙取初筮意重誠一。再三則彼之心志已亂告之無以止其亂愈益其亂是以不告也。利貞者教者必以正。曲學異端非正也。統觀之學者與教者皆宜各盡其誠。蒙不可以瀆師。師不可以瀆蒙也。

彖曰蒙山下有險險而止蒙。

未廬師云山下有險不能登高險而止不能致遠所以

爲蒙有待於勞來匡直輔翼誘掖獎勸也

蒙亨以享行時中也匪我求童蒙童蒙求我志應也初筮告以剛中也再三瀆瀆則不告瀆蒙也蒙以養正聖功也

以亨謂先知覺後知先覺覺後覺時者當其可中者不凌節也語上語下因人視其候剛克柔克反性節其情

志應則不止聲應

謂九二六五也

如武王訪箕子而傳洪範學

太公而授丹書誠志相孚也剛中者

謂九二

剛則誠中則

正告者本此以告人也瀆蒙解見上養如父母養其子

養得其正如養子至於成立也養蒙爲作聖之基此風

愆具訓蒙士彝酒誥誠小子也洪範蒙與聖相反蒙於

終也。此蒙與聖相因。蒙於始也。故君子及時養正也。

象曰。山下出泉。蒙。君子以果行育德。

山下出泉。達而未達。蒙之象也。君子法泉之流行不息。以果決其行。法山之厚重不遷。以養育其德。果行即行時中也。育德即養以正也。

初六。發蒙。利用刑人。用脫桎梏。以往吝。

此爻言養蒙之法。發蒙者發其心思。如春風之生時雨之化。草木應之而發也。利字貫二句。用刑人者明五刑。弼五教嚴也。用脫桎梏者敬敷五教在寬也。陰陽之道兩在故不測。寬嚴之教互用則愈神。若執一以往或過。

嚴或過寬皆無以啓其蒙是吝道也。屯九三往吝道無

道無以通於人

象曰利用刑人以正法也。

象傳多以一句括兩句。如括囊无咎之類以正法者以正爲法

不過於嚴與寬也。

九二包蒙吉納婦吉子克家。

此爻亨蒙之主剛中者也。包如父母胞其子動以誠發其天性養以正範其身心則吉也。納婦之禮納采問名納吉納徵請期親迎禮之以漸謂教人者循序而進如納婦之禮則吉也。子克家者謂教道之成如子克荷家。

事也。先儒以子喻二。以父喻五。克家二字費解。懼其以五爲子耳。周公教成王曰。朕復子明辟。稱子親之也。玩父義不止。臣教君。凡爲天下後世受教者言。教之成而子慰父心。猶弟慰師心也。

象曰。子克家。剛柔接也。

二五相應。剛柔相資。一德交孚。上則養成君德。下則樂育英才。坎六四樽酒簋二言剛柔交際。朋友之義也。鼎言剛柔相接。師友之義也。剛柔相資而後有成。剛克柔克。隨時互用。剛柔偏至。不可以有濟也。

六三勿用。取女見金。夫不有躬。无攸利。

六三非剛中。不剛則妄念生。不中則邪心起。故有此象。

士有貪富貴厭貧賤者。似之勿取之。以爲婦。猶勿收之。以爲徒。勿用者。絕之也。无攸利言。无以入德。且有患害也。此管幼安割席於華歆也。

象曰。勿用取女。行不順也。

不順理而行。婦必逆夫。弟必逆師也。學記曰。燕朋逆其師。

六四困蒙吝。

以柔處柔。自是不求。故不爲坎水之通。而爲澤水之困。困而不學。故終於蒙。心思所以不通也。是自暴自棄也。象曰。困蒙之吝。獨遠實也。

李安溪曰。陽實陰虛。凡言實者皆陽。蓋斥二也。二爲卦

主四與二非應非比。童蒙親師彼獨遠也。又按學以實爲歸。遠實必虛僞。故終於吝。

六五童蒙吉

童蒙者。天性未失。誠實未漓。安於受教。吉者。作聖之基也。按困蒙之吝。童蒙之吉。雖分兩爻。實則一念。太甲曰。既往背師。保之訓不克於厥初。困蒙吝也。尙賴匡救之德。圖惟厥終。童蒙吉也。程傳謂以柔中之德。任剛明之才。足以治天下之蒙。是推論餘意。童蒙未明求其明。則爲明。則終於吝。童一也。而心則二人。當如是觀。

象曰。童蒙之吉。順以巽也。

順從也。巽孫也。入也。順從其師。卑孫自牧。以入於理。渙然冰釋。怡然理順也。此爻變爲風水渙。易言順以巽者。家人六四。富孫讓於朝也。此則孫順於師於臣也。

上九擊蒙不利爲寇利禦寇

此與初爻相終始。言亨蒙之法。初則用發。終則用擊。寬嚴皆時中也。擊者。夏楚收其威。砥礪成其德。不利爲寇者。疾惡如仇。不能開改過之路。拘繫過苦。不能啓遷善之門。利禦寇者。不長惡以養奸。禦之於後。非發而後禁。禦之於初。兩利字與初爻兩用字當參看。

象曰。利用禦寇。上下順也。

上順下則啓之沃之而教道成下順上則是訓是行而聖功作

此卦彖義以誠爻義以順初筮誠求待師如神誠告養蒙作聖瀆其師則亂瀆乎蒙亦亂皆不誠也時中之教本乎誠行乎順志之應以此故亨蒙者或發或擊順也用刑人用脫桎梏卽不利爲寇利禦寇之意亦順也二亨蒙者教之以誠如訓子導之以順如納婦此教道之成也見金夫之女行不順不屑之教也困蒙遠其師終於困童蒙順其師不終於童爻辭於順三致意三爻終於不順五爻順而且巽至上則言上下順豈欲人終於

不順耶。果行育德者。可以觀矣。

周易述翼

卷一

无

懋花盒

三三
坎下

需有孚光亨貞吉利涉大川。

蒙貴於養。義在於需。需有所待。無欲速也。坎險在外。乾剛在內。剛能制欲。不陷於險。需之義也。天氣下降而生水。水氣上升而未下。需之時也。如花將開。未開。苗方長。未長。待乎時也。有孚者。至誠惻怛。積於中。而孚於人。非朝夕之故也。光者。光明磊落。由乎中。而發乎外。無人我之私也。亨貞者。達順體信。措則正。而施則行。無偏倚之害也。誠之孚於人者。心則光明。非陰謀以獲濟。事則正大。不詭遇以圖功。故吉也。需以不進爲義。何以利涉大

川蓋需乎。時而險阻。頓平需乎。人而烝徒共楫。惟不犯難行者。可以宏濟艱難也。詩曰。人涉卬否。卬須我友。是也。易言涉大川九卦。此與訟俱取象於坎。此利而訟不利。則不在象而在義。益中孚渙取象於木。象立而義存。蠱有木象。義不繫於木。謙大畜頤。象不在於水。木惟在義耳。况頤五言不利。上言利。是不重在象而重在義。先儒求本卦之象。不得。求於之卦。之卦不得。求於半坎。似鑿。

彖曰。需。須也。險在前也。剛健而不陷。其義不困窮矣。

須待而不進。以坎險在前也。冒險而進。則困窮矣。惟乾剛知險。乾健能久。故不陷而不困窮。然過剛則躁動。九三所以致寇。必持以敬慎。而後不敗。則乾德濟以坤德也。故剛健不陷曰義。見險能止曰知。知在事前。義在事。

中有待於揆度。所以當需也。此一節釋卦名義。
需有孚。光亨貞吉。位乎天位。以正中也。利涉大川。往有功也。

位乎天位。斥九五也。凡言中正者。中在正前。言正中者。中在正後。位天位而无忝者。以得正而處中。故能孚無不格。光無不被。理無不通。事無不正。而吉得中得正。則不陷險。且能濟險矣。往有功者。需時而時已至。需人而人已至也。

象曰。雲上于天。需。君子以飲食宴樂。

坎在乾上。是雲上於天。澤未遽下。猶有待也。故曰需。君

子法之功不求其速。成效不期其立。應飲食宴樂以俟之。在進修則肴核乎仁義之府。伴奭優游。饜飫乎道德之林。心廣體胖。在治道則飲和食德。寬裕成惇大之模。醉酒飽德。從容養和平之福。

初九需于郊。利用恒无咎。

初剛得正。去坎險最遠。故有需於郊之象。牧外謂之郊。利用恒戒之也。秉陽剛之性。始而避害。求其遠逞血氣之強。繼而犯險。發於猝。皆不恒之咎也。恒有常久不已。剛柔相應。二義不已者。需乎時。相應者。需乎人。初與利四應而用之。則無陷險之咎。

象曰：需于郊，不犯難行也。利用恆无咎，未失常也。

剛者恃氣，易於犯難，能需於郊，則不犯難行矣。不恆難久，必失其常。恆需於郊，則不失常道矣。師左次，未失常道。利

用恆，未失常需時之常道也。

九二：需于沙，小有言，終吉。

漸近於險，仍未至險，故有需於沙之象。沙水旁之高者，小有言者，或以其近險，議其躁，或以其不涉險，議其濡。九二剛中有濟險之心，無犯難之患，故終吉。所謂不潔身以亂倫，不濡首以取禍者也。

象曰：需于沙，衍在中也。雖小有言，以吉終也。

衍寬平也。在中者心也。心不寬平。躁而蹈險。心平則氣和。氣和則不躁。心寬則志定。志定則知險。故能不以人言動其心而終吉也。

九三。需于泥。致寇至。

三愈近險。將履於險。故有需於泥之象。泥在於水。特未深耳。過剛而躁。或僥倖求成而取敗。或逞忿欲勝而召災。寇之至也。自我致之。昧需之義也。

象曰。需于泥。災在外也。自我致寇。敬慎不敗也。

災在外而非在內。則猶可及止也。敬慎不敗。補爻義之。未備開遷善之門也。敬有畏心而剛過之氣平。慎則小。

心而剛躁之才。斂猶不至於敗亡也。解六三自我致戎。又誰咎也。柔惡也。

六四需于血出自穴

此自我致寇。敬慎不敗。剛過也。此公私之辨。易爲君子謀。不爲小人謀也。
四坎體血陰也。已入於險。故有需於血之象。惟柔正則靜而不躁。故能出自穴。此孤臣孽子操心危慮患深柔以行之。正以守之。靜以需之。文王脫羑里之囚。大舜致歷山之格也。

象曰需于血順以聽也

不順則逆矣。不得於父。不反己之不孝。惟怨父之不慈。不得於君。不反己之不忠。惟怨君之不禮。終陷於險而

不出也。順則知天下無不是之君。父聽其心之轉移。需之義也。

九五需于酒食貞吉

位乎天位者也。陽陷於陰險之中。而有剛中正之德。故

有需於酒食之象。

易言酒多取坎體。此言需於酒食。困言困於酒食。坎言樽酒簋二。未濟言

有孚飲酒。先儒謂酒恐其陷。故於坎象言之。愚按四卦言酒。皆吉无咎。則不取坎陷為義。而在合歡。且以需時濟困出險也。酒食則無欲速之心。有優游之樂。神明寧謐。遺

艱投鉅。靜鎮之而有餘血氣。和平外患。內憂安處之而

已足。得正而吉者。戒過度也。昧此義者。宋神宗求治太

速。用人太驟。明莊烈帝赫然忿怒。廢寢忘餐。陳武帝之

投籤階石。隋文帝之闕石。程書未聞天下之治也。

象曰。需于酒食。以中正也。

中正者。需于酒食之本也。不中則剛愎自用。不能從容。以待時。不正則邪說得行。必至輕舉而妄動。彖傳言正。中象傳言中正理一也。

彖舉全卦言。象舉本爻言。

上六。入于穴。有不速之客。三人來。敬之終吉。

處坎險之極。故有入於穴之象。不速之客。卽不可召之臣。淡薄有素。爵祿不入其心。寵辱不驚。威武不屈。其志三人。先儒謂初二三三陽。患難危迫。呼號望救。而有不速之客。三人來。如成王遭殷小腆之難。而有民獻十夫。

惠帝遭戚夫。人之難而有。商山四皓。敬之終吉者。奉如神明。尊爲師。保終夷。大難得人。以濟川也。成王曰。若涉淵水。予惟往求朕攸濟。

象曰。不速之客來。敬之終吉。雖不當位。未大失也。

得人。以出險。雖不當位。猶未大失。况上六陰處陰位。爲得當乎。吉可知矣。

是卦之義。變化無方。剛健不陷於險。其正也。而初剛猶虞其无恆。三剛更慮其致寇。卽二剛中不免。小有遺言。五中正必靜。正而後吉。夫剛健不陷。則陰柔易陷矣。而四以柔而出。穴上以柔而終吉。非理无一定也。最剛之

過曰敬曰慎。場柔之志曰敬。曰順。敬慎順之積。其有孚
乎。孚於天者。待乎天時。初二三四五之義也。孚於人者。
待乎人力。上爻之義也。需時需人。所以利涉大川。光亨
貞於天下也。

三三坎下

訟有孚窒惕中吉終凶利見大人不利涉大川

相合則需相爭則訟故需繼以訟上乾剛以武斷下坎險以文奸訟之原也內深險不測外強梗不悛訟之由也有孚窒者情真理確可孚於人而不能通於與訟者情順而勢逆理直而權屈故窒也惕中吉者乾知險憂惕出之得中而止理直而伸情順而達故吉也終凶者無論不勝訟則終凶即上利見大人者公而明廉而斷公則不偏明則不蔽廉則不貪斷則不滯五九德化則虞芮質成惠愛則甘棠留澤忠信明決則片言可決也

不利涉大川者不可冒險而前不可恃強而濟也需利涉大

川相需也則胡越可同舟訟不利涉大川相訟也則同舟皆胡越

彖曰訟上剛下險險而健訟

訟自下也聖人思無訟不可得明訟之興由於上也上之刑法日峻下之險詐日深上以威擊繩下下以請張蒙上此訟之始也健而不險訟无由成險而不健訟无由長惟合兩人則此險彼健一人則內險外健此訟之終也此一節釋卦名義

訟有孚窒惕中吉剛來而得中也

剛來得中言自乾剛而來居二為得中也蓋天地剛柔

往來之道。卽人心。理欲消長之機。剛來者。剛爲天德。如天良復見得中而止。不復構訟也。剛來本義謂自遷來此卦變之說始於虞仲翔。朱子曾謂非易本義。按凡二十卦說多牽強難通。詳見總論。

終凶訟不可成也。

終凶者。斷之於終。勝負皆然不可成者。戒之於始。

利見大人。尙中正也。

書曰。士制百姓於刑之中。又曰。正於五刑。惟中。故能決訟而歸於中。惟正。故能決訟而歸於正。不中正。則偏私乖僻。而獄訟滋豐。必尊尙大人之中正也。

不利涉大川。入于淵也。

涉險而行恃已。強而強。反陷。恃眾助而眾反。擠。詩曰。其何能淑。載胥及溺。是也。

象曰。天與水違行。訟。君子以作事謀始。

天一生水。本不相違。至於行。而天運行。而西。水運行。而東。則違矣。君子監之。以作事謀始。謂理定於事先。而措施不忒。慮周於事後。而乖隔不生。不至相違。而成訟也。

初六。不永所事。小有言。終吉。

以柔處初。不久於訟。故不言訟。而言事。能忍人所不能忍者也。惟情順。不容終逆。理直。不容終屈。故不能已於小有言。如今不訟於公庭。而鄉老理處者。蓋吾人之心。

曲直本不庸較而天下之理是非何嘗不明故終吉也
在聖人雖不欲人訟何嘗禁人使不言所以異於老氏
之教也

需二小有言人之言无損於己此小有言己之言明辨於人

象曰不永所事訟不可長也雖小有言其辨明也

訟不可成戒之於始訟不可長戒之於終其辨已明又何必訟

九二不克訟歸而逋其邑人三百戶无眚

荀爽曰陽在二陰之中君不爭則邑人不爭蓋二國相訟必有其主二鄉相訟必有其主主爭則從之爭者必眾三百戶眾也九二剛來得中者得中即止故不克訟

主不欲訟而從之者欲訟故宜歸不獨歸也且遁以避由是主不爭而從之者亦不爭故曰其邑人三百戶无眚妖祥曰眚甚於災也

象曰。不克訟。歸而逋也。自下訟上。患至掇也。

復加竄字。避之不可不深且密。不宜徇衆而復訟。否則自下訟上。患之至也。自取之。不得諉於衆也。先儒多云。二訟五。愚謂下上二字。特立象。凡賤訟貴卑訟尊貧訟富。弱訟強皆然。詩曰。何嗟及矣。

六三。食舊德。貞厲終吉。或從王事。无成。

以柔處剛。食舊德。謂安其分之固有。不與人爭也。貞厲

終吉者人情富則招怨貴則招妬已不欲訟人或尋其隙而訟之況六三位不中正雖安分於已復勉其貞正惕以危厲終則吉也。初以不永訟而終吉三以不訟而終吉三之義優於初或從王事无成者讓也與坤六三辭同意異坤歸美於君此讓善於長如范文子戰鞍之役不代帥受名馮異樹下之立不與眾爭功安於无成固不訟於口并不訟於心矣。

象曰食舊德從上吉也。

知從上之吉則知訟上之患知從上者之能安其分則知訟上者之不安其分也詩曰胡不相畏不畏於天

九四不克訟復卽命渝安貞吉

以剛居柔故有始訟而不克訟之象然二得中而四不中二不克訟義不徇於人四不克訟義當卽乎命復者復見天心之謂悔其始而戒於終凜凜乎以天命自度也渝變也隨官有渝豫其豫成有渝俱訓變變其昔日之好訟而安靜真正以守之則吉矣此爻凡三致意以其居乾剛之初下近坎險故也鄭氏渝作俞順也亦是但破字矣

象曰復卽命渝安貞不失也

不若此則失也不失者不敢求得惟不失情理之正而已

九五訟元吉。

卽彖所謂大人也。剛健中正之德。足以化民。無訟。不必。天下訟獄之歸。而後見也。故曰元善而吉。理之勝也。

象曰九五元吉以中正也。

用中則天下无。不中表正則天下无。不正書曰爾身克。正罔敢不正。民心罔中。惟爾之中。

上九或錫之鞶帶終朝三褫之。

以剛居上終凶者也。或者冀望之辭。終朝立見之象。錫。之。徒冀於將來。褫之。卽見於當境。恃險而險。終敗。恃健。而健。終窮。鞶帶不足貴也。龜勝而終。貶者或錫之。三褫之。

象曰

帶之

以訟受服亦不足敬也

訟勝而榮。榮不足敬。而况褫之辱乎。傳曰。不在於善。而皆在於凶德。雖得之。君子不貴也。

訟不能無致訟之由。則上剛下險。險而健也。君子謀其始。復慮其終。不欲其冒險以濟。故曰惕中吉。終凶。九五中正之大人。以無訟之主。聽天下之訟。故能持其平。初訟不長而終吉。上訟必極而終凶。初終吉而三亦終吉。初不求勝人。而反求於已。三安分於已。復讓善於人。二不克訟。四亦不克訟。二逋而不訟。人皆獲其安。四淪而

不訟已復。卽於命初二三四惕中者。終凶其上九平訟
不可成也。聖人吉凶與民同患。故諄諄若此。

三三
坤上坎下

師貞丈人吉无咎。

小爭交訟。大爭興師。故訟繼以師。外坤順。內坎險。順中有險。師危道也。險而仍順。師安民也。以地畜水。寓兵於農之象也。貞者以己之正。伐人之不正也。丈人吉。子夏傳作大人吉。王者之師也。如禹伐三苗。啓伐有扈。湯征十一武滅五十。宣王南征北伐。是王者應天順人。故有永清之吉。无黷武之咎。彖傳故曰。可以王也。王輔嗣本作丈人。先儒從之。謂老成練達。可稱丈人。必吉而後无咎。且引互震有長子之象。不知古今名將如太公廉頗。

趙充國馬援非不老成而衛青霍去病鄧禹耿弇周瑜諸葛亮岳武穆皆少年也且其義膚淺非孔子釋彖意彖曰師衆也貞正也能以衆正可以王矣

坤爲衆卦有坤且兩重互地正者先正己而後正人能以衆正大者也順天命合人心恭行天罰伐罪弔民天下皆正王者之師故曰可以王矣并大人釋之

剛中而應行險而順以此毒天下而民從之吉又何咎矣剛中而應謂九二之臣應六五之君也剛足以任軍事中足以善軍政寬猛兼施恩威並濟應則君臣交孚從古大將未有不得君而能立功者也行險者兵凶器戰

危事此坎體也。順者順天心。順人心。此坤體也。從古大將未有不天人合應而能成大功者。也可以安天下而云毒者。師之所處。荆棘生焉。大兵之後。必有凶年。且我勝而人敗。我生而人死。毒孰甚焉。聖人不欲用兵之意也。天下皆從則吉矣。何咎之有哉。

象曰。地中有水。師。君子以容民畜衆。

地中有水。分。之。則。地。也。水。也。合。之。則。地。卽。水。水。卽。地。也。猶。分。言。之。則。農。也。兵。也。合。言。之。則。農。卽。兵。兵。卽。農。也。君子法之。容民於井田之內。使比閭族黨州鄉之民無事。則荷鋤而耕。畜衆於邱甸之中。而伍兩卒旅師軍之衆。

有事則荷戈而戰

五家爲比家出一人卽伍人爲伍五比爲閭二十五人卽五伍爲兩四閭

爲族一百人卽四兩爲卒五族爲黨五百人卽五卒爲旅五黨爲州二千五百人卽五旅爲師五州爲鄉萬二

千五百人卽五師爲軍

容者靜而不擾畜者養而後動兵未出則

爲民蒐苗獮狩教以坐作進退而祇父恭兄之心悠然

生兵旣出則爲眾伐暴誅亂嫺乎步伐止齊而親上死

長之氣勃然奮

地澤爲臨曰容民曰教思農可爲土地水爲師曰容民曰畜眾農可爲兵容民

皆取象於地教思則取兌澤之說畜眾則坎水之通也

師井田之象見地不見水寓兵於農也比封建之象見地卽見水合

萬爲一也

六師出以律否臧凶

程傳曰在興師而言則以禁暴誅亂而動在行師而言

則以號令節制爲本。愚謂律有二義。法律之律。嚴也。律呂之律。和也。法律嚴則士卒用命。上下和則士卒同心。所謂以有嚴有翼之師爲一心一德之侶。不言吉者。成敗利鈍。非所逆觀也。否臧凶者。左傳謂執事順成爲臧。逆爲否。不以律而逆命。有敗亡之凶也。

律卽剛中之意

象曰。師出以律。失律凶也。

律嚴而和。三代以下。得其一可爲名將。如李廣。李光弼。嚴也。程不識。郭子儀。和也。嚴而不和。李廣有對簿之死。和而不嚴。子儀有相州之敗。矧不嚴而士卒皆逆命。不和而士卒皆離心。凶不立見乎。

九二在師中吉无咎王三錫命

剛中而應者也承王命執師權中者嚴而和無過不及

有克敵之吉无敗亡之咎

吉无咎與彖同彖以命將者言吉而且无咎爻以爲將者

言吉而後无咎

王三錫命委任之專至於再至於三也重以專

闕无掣肘之虞委以干城有腹心之寄何以報也古人

命將如此唐有觀軍容使明有監軍昧斯義矣

彖曰在師中吉承天寵也王三錫命懷萬邦也

不曰承王命曰承天寵奉天之討致天之伐公而无私

也不曰伐萬邦曰懷萬邦拯民塗炭救民水火安而不

危也言天言懷皆根於心念念不忘君與民也

六三。師或輿尸凶。

輿尸本義以撓敗爲說。程傳以衆主爲說。程傳是言王命將在二。既有三錫之專。然或以六三外強中乾者。問之。是以衆爲主。而將有不用命者矣。詩曰。發言盈廷。誰敢執其咎。此邲之戰。荀林父爲將。三帥不用命。所以敗。

也。二卽五爻所謂長子。三卽五爻所謂弟子。

象曰。師或輿尸。大无功也。

无功卽凶。坐銷軍餉。日以養寇。不必師。徒撓敗也。况未有不撓敗者乎。

六四。師左次无咎。

見可而進。知難而退。師之常道也。故先儒多訓左次爲退舍。愚謂召陵之師。退次于陘。猶可。若城濮之役。退三舍。以避楚實陰謀。以致楚聖人所不取也。蓋左爲陽。右爲陰。謂師次於陽明之地。堂堂之陣。正正之旗。不次於陰險。以取敗亡之咎耳。詩曰。依其在京。侵自阮疆。又曰。北伐玁狁。至於太原。是也。左次非退舍之謂。四以陰居。陰故戒之。

象曰。左次无咎。未失常也。

師雖奇正並用。然以正爲不失常道也。

六五。田有禽。利執言。无咎。長子帥師。弟子輿尸。貞凶。

田中有禽獸害禾稼者。猶天下有殘賊害人民者也。雅兩足而羽謂之禽。四足而毛謂之獸。分言之曰禽獸。合言之禽即獸。獸即禽也。考工記天下之大獸五。羽者在焉。周禮以禽作六摯。羔者在焉。易言有禽失禽。統獸說。利執言者。師必有名。聲罪致討。嚴以申。秦誓二篇之辭。重以執司馬九伐之法。馮犯寡則青之。賊賢害民則伐之。暴內陵外則壇之。野荒民散則削之。負固不服則侵之。賊殺其親則正之。放弑其君則殘之。犯令陵政則杜之。後世如漢高祖誅無道。內外亂鳥獸行則滅之。是也。秦為義帝發喪。以滅項光武伐莽。除莽苛政。近之長子帥師。謂二也。二三四互震。震為長子。弟子與尸。謂三也。即命二為帥。復以三間之。是以眾為主。師无成命。雖正名伐罪。取敗績之凶也。

象曰。長子帥師。以中行也。弟子輿尸。使不當也。

長子有中德。故能行師。不過于猛。不失於縱也。又使弟子參之。罪不在弟子。在使之者之不當也。鼂錯曰。主不擇將。以其國予敵也。矧不使長子而專使弟子。如趙舍廉頗。用趙括。燕舍樂毅。用刼騎。抑又甚焉。

上六。大君有命。開國承家。小人勿用。

王三錫命。命將之始。大君有命。命將之終。謂成功也。功大者。開國。功小者。承家。報功之典也。小人勿用。諸家多以為申誠於始。傳義以為申誠於終。愚按。三代以上。軍士皆君子。申誠於始。理有固然。三代以下。武夫不乏。小

象曰大君有命以正功也小人勿用必亂邦也

人亦惟用人之勇去其怒用人之智去其詐用人之仁去其貪功成之後如漢光武所用者不過鄧禹二三人餘休於家以保全之而唐太宗於侯君集明太祖於藍玉正犯此戒也既濟之上小人勿用亦此意傳義爲長功有大小爵祿卽有厚薄所謂正也故周室有惟五惟三之別漢高有功人功狗之分必亂邦者聖人安不忘危存不忘亡治不忘亂封其爵邑而不委以政事塞其亂萌使得保其身家不使其恃功而驕藉寵而肆以致亂也亂生於治循環之機用師之始曰懷邦成功之後

反亂邦可不慎乎。若云申誠於始。始亦終也。終亦始也。大人行師。王者之師也。容民畜眾。不欲用兵。未始不備。兵正者。出師之道。中者。行師之本。應者。主與將一德一心也。初之以律。卽中正也。失律卽凶矣。二之錫命。應也不專其任。以眾主之。三之凶也。在師中。吉能以律也。師或輿尸。不以律也。利執言正也。師左次。亦正也。長子帥師。用二也。弟子輿尸。用三也。小人當勿用也。錫命。用師之始。有命。成功之終。欲安天下而言毒。不得已而用師也。伐人之國而言懷。非因利而用師也。始言懷邦。終言亂邦。制治保邦之心也。大人之心也。

三三 坤下 坎上

比吉。原筮元永貞。无咎。不寧方來後夫凶。

開國承家以報功建國親侯以制治故師繼以比師以

一陽在二臣象也比以一陽在五君象也君俯比於臣

臣仰比於君又卦象水與地相親水得地而流行地得

水而生發比親輔也凡人情相遠棄則凶相親輔則吉

五倫皆然然在上則疑於瀆在下則疑於諂故必審慎

以致其情神明以決其義如原筮焉古人卜則三龜筮

則必再本義原訓再如原蠶之原是也蒙取初筮人之求我貴於誠比

取原筮我之元者體乾元无私之覆親上親下達其情

比人在於慎

周易述翼

卷一

雜

樓石齋

體坤元。无私之載。得朋。喪朋。順其理。永貞者。有初。鮮終。此疆爾界。因循則同。人之宗。傾險則旅。人之笑。惟上作恭而下作孚。而無間斷。功可大而親可久而无黨偏。則无私阿之咎也。不寧方來者。不寧而欲求寧者也。近而被澤已近。天子之光遠而求安。願托聖人之宇。後夫凶者。斥上始而不比。後則必凶。如禹時防風氏。或剛復自六上用獨外於生成。或侮慢不恭。獨投於鈇鉞。比以不盡。比爲比。猶同人。不以苟同爲同也。

彖曰。比吉也。比輔也。下順從也。

比何以吉。以比之有輔也。比何以有輔。以下之順從也。

明不順從則不相親輔不相親輔何以吉乎此取坤順
兩互皆坤不取坎險言從或取坎爲通又先儒以下順從斥
下四陰然三則比時小人何取其從盍泛言理不必粘
爻象

原筮元永貞无咎以剛中也。不寧方來上下應也。後夫凶。
其道窮也。

剛中

斥九五

剛則直直則无私剛則塞塞则无偽所謂元

也中則不偏不偏則不私昵以長惡中則不倚不倚則

不予聖而自雄所謂永貞也上下應者上親其下下戴

其上

也亦斥九五先儒以下斥五陰竊疑上固後夫凶

者三亦比時匪人不應粘着泛說可也此與小

畜柔得位而上下應之。大有柔得尊位大中。應則元首。而上下應之。文義不同之也。二字當分別。股肱爲一體。其道窮者。謂後夫自取其窮。無損於顯比之主也。

象曰。地上有水比。先王以建萬國。親諸侯。

地上有水。萬派分明。灘沮會同。江漢朝宗。而地振之先。王法之萬國。綦布率土。來臣翕河。効職天子。統之建如。地水之分析。親如地水之交融。

初六有孚比之。无咎。有孚盈缶。終來有他吉。

以六居初。當比之始。舉全卦之義。而申誠之也。有孚者。至誠无私也。苟非有孚。挾策逢迎。投人主之所好。欲速。

求○合○因○嬖○倖○以○先○容○惟○有○孚○而○比○不○詭○遇○以○致○功○名○忠○
能○獲○上○不○容○說○以○求○遇○合○信○足○動○人○故○无○諂○媚○之○咎○有○
孚○盈○缶○者○才○勢○不○可○以○盈○積○誠○不○可○不○盈○缶○者○先○儒○謂○
質○素○之○器○謂○樸○誠○也○愚○謂○坎○言○樽○酒○簋○貳○用○缶○禮○言○門○
外○缶○則○缶○禮○器○也○離○言○不○鼓○缶○而○歌○詩○言○坎○其○擊○缶○澠○
池○之○會○秦○王○擊○缶○則○缶○樂○器○也○禮○樂○之○器○中○和○之○德○也○
謂○積○其○誠○信○以○至○於○中○和○則○終○來○有○他○吉○矣○於○其○始○而○
卜○其○終○不○知○其○來○而○自○然○而○來○有○他○之○吉○莫○知○其○至○而○
自○至○也○詩○曰○彼○交○匪○敖○萬○福○來○求○是○也○

象曰比之初六有他吉也

初與四非正應。有他者不知何以來也。大過曰有他客。中孚曰有他不燕。吉凶禍福豈有他哉。於已取之而已。故曰能如比之初六。有他吉也。

六二比之自內貞吉。

二爲外臣。正應於五。比之自內者。處江湖之遠。不忘君。秉中心之誠。不欺君。自內而達於外也。得愛君之正。獲上交之吉。二柔順中正故也。

象曰比之自內不自失也。

明非自內。則所失多矣。自失謂自失其比君之初心。不自失則得其正矣。

六三。比之匪人。

三不中正。比時之非人類者也。剛愎自是。順己引爲同心。陰柔逢君。獻媚甘於屈節。

象曰。比之匪人。不亦傷乎。

否之時。匪人將不利於君子。比之時。匪人不能傷君子。不亦自傷而已乎。然自傷。未有不傷人者。

六四。外比之貞吉。

柔順得正。居近臣之位。處廟堂之上。不忘民也。故曰外比。言上比於君。外比於臣民。凡草野遺賢。民生疾苦。引爲一體。貞吉者。非市惠以結人心。得以人事君之正道。

故吉也。貞吉與二同辭而意異。

象曰。外比於賢。以從上也。

外比於賢者。不以應求之迹。

四與初非正應。

而以大公无我之

心。比賢以從上。則明揚側陋。師師濟濟。唐虞之盛也。先

儒比賢從上。俱謂受比於五言。恐非。

九五。顯比。王用三驅。失前禽。邑人不誡。吉。

剛中者也。顯比者。非詐術。以收豪傑。非陰謀。以結人心。其心可以質鬼神。其事可以對天下。光天化日。人共遊焉。禹馳湯驟。範我馳驅。忘得失之形。泯順逆之象。從欲而治。不必讀法。懸書熙皞而遊。惟是耕田鑿井。吉可知。

矣。此即田獵之象。明顯比之義。按古之時。田者大芟草。以爲防。或舍其中。褐纒旃。以爲門。裘纒質。以爲櫛。閑容握。馳禽而入。左者左之。右者右之。天子發然後諸侯發。諸侯發然後大夫發。大夫發然後士發。士發然後小發。小發然後諸侯發。然後天子發。抗大緩諸侯發。抗小緩諸侯發。於其下故戰不出。頃田不出。防不逐。奔走古之道也。所謂王用三驅。失前禽也。詩曰。徒御不驚。又曰。之子于征。有聞無聲。所謂有禽則必執。謂其有害於人。所以興師也。前禽則曰失。謂其无損於己。所以顯比也。

象曰。顯比之吉。位正中也。舍逆取順。失前禽也。邑人不誠。上使中也。

先正後中。見於事。則正存於心。則中也。惟正中。故足以顯比。舍逆取順。非任其終於逆。取順而逆者自化。猶舉臯陶伊尹。不仁者遠也。上使中者。邑人順。帝則而不知。

忘帝。於於何有。上使之協於中也。

上六比之无首凶

此後夫凶也。君爲元首。人皆戴君。已獨外焉。是比之時

无首者。自取凶也。

乾以无首而吉。剛轉爲柔也。比以无首而凶。柔不從剛也。

象曰比之无首无所終也

於无首之始。決无終於終。

上比下。下比上。情也。根於性。性誠也。誠交於人。孚也。孚者。仁育義正。元永貞也。剛中正中。卽元也。是爲顯比之本。邑人不誠。孚之至也。卽建國親侯也。廓然大公得失胥泯。誠能動物。感物自神。下之比上。皆一理也。初兩言

有孚。明比之道。以孚爲本也。二之自內。內心之孚也。四之自外。外心之孚也。苟非孚。卽偏黨。三之匪人也。非孚。卽僞妄。上之无首也。原筮者。審慎此孚。通於神明也。盈缶者。充滿此孚。進於中和也。比之道也。

三三 乾上

小畜亨。密雲不雨。自我西郊。

相親則相畜。故比繼以小畜。畜養也。聚也。畜有母道。不

主陽而主陰。小畜者。以一陰在四。臣位也。上畜君。下畜

民主。以臣畜君。為小。不以陰畜陽。為小也。先儒多主陽大陰小之說

云以陰畜陽。不知以一陰有五陽。則為大有。何云小。有四五陰。畜初二三上陽。為大畜。亦是以陰畜陽。何不

亦云小畜。蓋以陰居五君位。則為大畜。猶大有以一陰居君位。則為大有也。小畜大畜。所以異者。止爭五爻大

畜四五皆陰。君與臣並畜天下。以五為主。故曰大畜。小畜一陰在四。臣位也。上畜君。下畜民。其位比大畜小也。

亨者。始猶未亨。畜極而應則亨矣。密雲不雨。自我西郊。

者。文王羨里作易時。假此象以明小畜之義也。文王事。

君止敬欲畜君而不能遽格其君牧民止仁欲畜民而不能遽及乎民若曰此密雲不雨者實自我西郊而然自責之辭也。按上坎為雲故密雲不雨凡雨必陰陽唱和此曰自我西郊互兌為酉陰方也此則陰唱而陽不和猶美里之囚未釋也先儒謂雲起於西多不雨愚不敢信嘗見雲起於西而大雨者矣况此不雨非終不雨美里釋而天雨矣密雲不雨文王之心在畜君恐其未

也通

彖曰小畜柔得位而上下應之曰小畜。

柔得位不同於大有柔得尊位與同人得中而上下應之又不同於同人之應乎乾惟得人臣之位則有畜之權柔則具畜之本優而游之使自得之上下皆應故名

小畜也

健而巽。剛中而志行。乃亨。

乾健行而不息。巽巽讓而不迫。此畜者言也。五剛中心則與臣志相孚。而四之道得行而莫逆。以受畜者言也。君非剛中。臣之志有不行矣。乃亨者。難辭也。徵韶角韶以畜君爲義。亦此意。

密雲不雨。尙往也。自我西郊。施未行也。

雲上於天。義在需。難不可犯。密雲不雨。義在往。畜必求通。屯其膏。施未光。施已行而未光也。自我西郊。施未行未行。猶未施也。君子必求其行也。

象曰風行天上小畜君子以懿文德。

巽風行於乾天之上。風化猶未下究也。君子監之。逆命者當化其逆格。三苗在文德之敷。常武者不可爲常治。四國在文德之矢。天下有風。姤后以施命。誥四方。風行地上。觀先王以省方。觀民設教。此則風未及下。君子第反求於己之德也。

初九復自道何其咎吉。

畜有母道。以九居初。與四正應。復如顧我。復我之復。反覆也。四方殷勤。顧復以畜之。初自反覆。揆度以道守。所謂以禮爲門。不趨炎以附勢。以義爲路。不枉己以從人。果其畜我无私。我則受之。何有枉尺直尋之咎乎。下交

之吉可知矣。

象曰。復自道。其義吉也。

凡言其義者。信之於理。不必見於事也。隨有獲其義。凶有所利。斯凶矣。復自道。其義吉。无所私。斯吉矣。

九二。牽復吉。

二剛中與初相比。如兄弟。牽如牽衣之牽。初復以道。二則牽之以爲復。入則與子同歸。出則與子同行。仕則與子同車。所以有同道之吉也。

象曰。牽復在中。亦不自失也。

牽初以爲復者。本在中之誠。非外飾也。自道者。不自失。

在中者亦不自失也不自失所謂窮不失義達不離道

九三脫輿輻夫妻反目

過剛不中與四相比近而不相得則凶者也四如妻三如夫妻方盡鞠育之勞夫反憑汎潰之勢大者輪破穀裂小者反脣相稽猶朝廷忠佞兩不相能一則念念不忘君國一則事事憑恃威權凶於而家如害於而國有輿脫輻夫妻反目之象輻考工記云輪輻三十以象日月也老子曰三十輻共一轂蓋上下入轂下入牙輻脫則輪破非如輻爲車下橫木脫之而不行也與大畜脫輻異

象曰夫妻反目不能正室也

不能正室者非妻之過也已不能正也過剛便是

六四有孚。血去惕出。无咎。

柔得位而上下應之者。畜之主爻也。畜之爲道。六爻皆有。必主於柔者。如畜子。不主於父。而主於母。孚字从爪。从子。如母雞抱卵。誠一不二。所謂孚也。四上畜君。下畜臣民。故貴有孚。卽信而後諫。信而後勞意也。血去者。血陰類。私也。去私則孚。以畜上無要結之心。孚以畜下。無私煦之念。復以憂惕出之上之。畏風雨之飄搖。下則憫馳驅之疾苦。則无不畜之咎矣。

象曰。有孚惕出。上合志也。

上斥五也。剛中而志行於四。四以孚感五。以孚應是合。

志也。不言血去。以惕出該之也。

九五有孚攣如富以其鄰。

攣者雙生子也。有長幼之序。無鞠育之別。君之誠孚於臣者。位有尊卑。心皆一致。所謂攣如也。富者與共。天位治天職。食天祿。鄰者虞書所謂臣哉鄰哉。鄰哉臣哉。是能左右曰以言君以有孚攣如而與之同富。則能以其臣如鄰而休戚共也。先儒有以富為實心。不富為虛心。如泰六四不富以其鄰。舊本嘗不足。但既云有孚攣如。則誠之實也。富字訓實。心意復。且與象傳不獨二字不相應。照本義當是。

象曰有孚攣如不獨富也。

本義云誠足感人不獨富厚屈羣之也。

上九旣雨。旣處。尙德載。婦貞厲。月幾望。君子征凶。

密雲不雨。陰陽不和。旣雨。陰陽和矣。不雨不遑安處。旣雨則安處矣。不雨如太甲之背伊尹。成王之疑周公。旣雨如太甲悔過。成王感悟。尙德載者。言臣德積之極。其盛而滿於載。其君尊尙之。此旣雨旣處之由也。婦貞厲者。婦畜其夫。雖正亦危。月幾望者。月近於望。盈則必虧。設此二象以明人臣居寵思危。罔以寵利居成功也。君子於此宜自止焉。伊尹之復政周公之明農。張良之辟穀是也。昧此而往。必凶矣。故霍光赤族不在山。禹積惡而在驟。乘芒刺在背。日伍子胥文種亦犯此。

象曰。既雨既處。德積載也。君子征凶。有所疑也。

積者非一日也。誠信以感通之。優游以漸致之。納約自
牖。發其靈明。得朋盍簪。助其啓沃。畜所以亨也。若壯於
頄。直以賈禍。折其肱。奮不顧身。何取焉。有所疑者。非陰
疑於陽。必戰之謂。言嫌疑之地。讒隙生焉。君子所不往
也。王伯厚曰。小畜月幾望。陰疑陽也。歸妹月幾望。陰從
陽也。中孚月幾望。陰應陽也。按本文疑字。非訓月幾望。
伯厚取其屬對耳。

小畜以臣畜君。民惟其德矣。畜君則德積載。育民則懿
文德。健而巽。德之本也。有孚。德之實也。畜之道。不主剛。

而主柔。此三之反。日而四柔得位。而上下應也。五應之。以有孚。而上下合志。初應之以行。道而上下同心。卽二亦牽初而揆於道。畜極而亨。密雲不雨。至是雨矣。其在德乎。

三三

兌下
乾上

履虎尾不咥人亨。

畜而無禮恃富而驕。畜而有禮資富而安。故繼以履。履者禮也。踐而行之也。上乾天。下兌澤。天於地。禮之本也。內兌和說。外乾健行。禮之用也。履虎尾。行義相連。省字句法。如不猶履大難。履大危焉。不咥人。則同人艮亦然。猶履大難。履大危焉。不咥人。則忠信篤敬。蠻貊可行。猶城狐社鼠當道。豺狼不能害也。此虛象也。先儒有以初二為虎尾。三履之。此論履為藉。然三受咥人之凶矣。本義以西五上為虎尾。三履之。此訓履為躡而三亦受咥人之凶矣。且下履帝位而不疚者。非虎也。以履虎必屬於爻。離之畜此牛。將屬何爻。總之六爻皆有履字。義不必拘牽卦畫。故愚以為虛象。小畜與履皆文王自謂之辭。

在小畜則文欲畜紂而心未通於紂猶密雲而終不雨也。在履則紂能囚文而惡不能害文猶履虎而終不啞也。小畜文王之心也。履文王之行也。故三陳九卦以明處憂患之道。以履爲首。兌西乾西北有虎象

彖曰履柔履剛也。

凡柔乘剛則柔居剛上。少陵長賤陵貴則非禮矣。以兌柔而履乾剛之後。以卦體言不以卦畫言則自卑尊人所謂禮也。

以六三當之者殊屬膠轕。

說而應乎乾是以履虎尾不啞人亨

說卽禮之和所謂履以和行也。應乎乾不言應上。與同人卦

言以一誠相應。所謂敬人者。人恆敬之。履和而至也。惟其德如是。是以可以履常。可以履變。履虎尾而不咥。人亨也。傳曰。國之亂也。惟禮可以已之。此之謂也。

剛中正履帝位而不疚光明也

六爻皆有履義。獨贊九五者。以其剛中正也。剛則不蹈。非禮。中正則能辨非禮之禮。不使禮勝而乖離。和勝而流蕩也。以之履帝位。則宅中守正。不疚於心。用中措正。不疚於事。與天下隆禮由禮。德業光明也。

象曰。上天下澤履。君子以辨上下。定民志。

天上地下。而澤更下於地。君上臣下。而民更下於臣。履

也者君與民共之者也

比天高地下萬物散殊而禮行更進

君子體兌澤

之在下協民情則說而不拂體乾天之在上正君位則

公而无私故制爲禮以辨上下則尊卑有等貴賤有位

截然不紊以定民志則卑以事尊賤以事貴安然不違

故禮達而民之分定禮行而民之志定也自下陵上替

而禮不體於君身遂上慢下暴而禮不定乎民志所謂

上無禮下無學賊民興而劉項張李起矣先王患禮之

不達於下也故祀帝於郊祀地於社雖天子猶尊天親

地而百神受職焉蓋自有天地以來而禮行乎其間矣

老莊謂道不足而後有德德不足而後有仁義禮豈知

禮所自起哉。

初九素履往无咎。

以九居初得正者也。素猶現在也。

先儒有以素爲質素訓者如白賁焉謂忠

信之質以往不知白賁之義文復乎質非無處富貴貧文也此惟履此質素質勝文則野君子不取

賤夷狄患難皆以現在之禮行之如是以往則无願外

之咎矣蓋居易俟命不行險以僥倖惟剛正者能之苟

昧素履之義下之如馬融因貧窘變平生之節上之如

上官安豔富貴起弑逆之謀更上之如秦始漢武求神

仙皆患生於不足也此與上爻皆統全卦之義言之

象曰素履之往獨行願也。

獨行願。則不願乎其外。顏子。簞瓢陋巷。足以自樂。大舜。飯糗茹草。若將終身。詩曰。考槃在澗。碩人之寬。獨寐寤言。永矢弗諼。是也。

九二履道坦坦。幽人貞吉。

以九居二。在兌體之中。剛中者也。履道坦坦者。平則如砥。而無偏陂之虞。直則如矢。而無反側之患。幽人貞吉者。安靜無欲。速之心。和說皆正。直之路。凡措正施行。剛不過。而得天命之正中。不偏而協。人心之安。詩曰。君子所履。書曰。出入起居。罔有不欽。發號施令。罔有不臧。是也。

象曰。幽人貞吉。中不自亂也。

剛躁者神不安。中和者心不擾。事雖盤根錯節。已則氣靜神閒。而不自亂也。歸妹九二。幽人以正而未變常。此人之德也。漸陸之羽儀。世不可亂履道之真吉中。不自亂。惟不自亂。所以不可亂。

六三。眇能視。跛能履。履虎尾。咥人。凶。武人爲于大君。

以六居三。不中不正。視貴中。不中則不能視。而自以爲能視。履貴正。不正則不能履。而自以爲能履。以之履大危。履大難。必敗乃公事。如履虎尾。受咥人之凶也。此與虎尾皆虛象。此則才弱志剛。自貽伊戚。不必粘上下爲虎尾。此武人可以爲於大君乎。此子玉剛而无禮。必敗也。本義謂如秦政項藉亦得。

但三非君位。

象曰。眇能視。不足以有明也。跛能履。不足以與行也。咥人之凶。位不當也。武人爲于大君。志剛也。

視則雙目。行則雙足。若眇而以爲能視。跛而以爲能履。已則自信。有餘人早知其不足。若趙括之拒秦。王昭遠之拒宋。方且慷慨自任。君子早知其必敗也。位不當者。不中不正也。志剛者。志雖剛。才弱不足以佐之。故說而應乎乾。不取三而取二。歸妹九二眇能視。不敢有其明。猶取有一隙之明。此自信其明。而終不能明者也。歸妹初九跛能履。不自任其履。猶可相承而共履。此則以爲能履而終不能履者也。辭雖同。卦義自別。巽之志疑以利武人策之求也。退故進之之義。此之志剛以不利武人戒之由也。兼人故退之之義。

如暴虎
不與同。

九四履虎尾愬愬終吉

以九居四。不中不正。而取其剛。剛者天德之良。良心不
昧。而能自反。知其不中。而勉於中。知其不正。而勉於正。
如履虎尾。愬愬恐之象。詩所謂不敢暴虎。戰戰兢兢。書
所謂心之憂危。若蹈虎尾。于其始之愬愬。知其終之吉。
始於憂。勤終於逸。樂不必斥五。
為虎尾。

象曰愬愬終吉志行也

愬愬之志。懼禮不行於身。不行於天下也。終吉則志行
矣。

九五夬履貞厲

剛中正履帝位而不疚。光明者也。夬夬也。知其非禮而決去之。知其爲禮而決履之。貞者正也。立天下之正位。正朝廷。正百官。正萬民。正四方也。厲者常抱疚於中也。凜凜乎若履虎尾焉。卽夬所謂孚號有厲其危乃光也。

象曰夬履貞厲位正當也

不曰中正曰正當。狀其危厲之心。惟恐其不當也。或曰。易象傳音俱叶。當字平聲。叶上剛字行字。謂居位正當如此危厲也。亦通。

上九視履考祥其旋元吉

統全卦而終言之。眇不能明禮者。此能明禮之本末。精粗矣。跛不能行禮者。此能行禮之文質高下矣。考審也。祥與詳同。於視履而審考。周詳其周旋中規。折旋中矩。則獲元善之吉也。

象曰。元吉在上。大有慶也。

元吉在下。慶止一身一家。元吉在上。慶及天下。大有者。天秩天敘自我而惇庸。卽遏惡揚善。順天之休命也。履者禮也。誠敬者其體和說者其用也。五之剛中正。履帝位而光明。誠敬立而危厲之心生。故能和說而无不當。二亦剛中履道坦而貞吉和說存而安靜之情篤。故

能誠應而无不行。敬則畏。心生和則矜。情息畏而不驕。矜此四之履。虎尾不咥人亨也。驕矜而不畏。此三之履。虎尾咥人凶也。驕矜而視履終於不明不行。敬畏則視履無不詳審精密也。故君子於初之素履謹之於上之視履驗之辨上下。定民志亦曰敬與和而已。